

TSELAYA

MOPROFETA WA THEREŠO

 Ke a go leboga, Ngwanešu Borders. A re no felang re eme ge re sa ne thapelo. Ke a makala ke mang a nago le kgopelo bošegong bjo, o tla phagamišetša diatla tša gago godimo le go re, “Morena, ke nna”? Bjale a re inamišeng dihlogo tša rena.

² Tate wa ren a wa Magodimong, bjalo ka ge re ekwa pina yela, “Morena, ke a dumela.” Re kguna go nagana ka di—ka di dinako tšeо, go dikologa lefase, ke kwele yela ka maleme a mantši kudu, “Morena, ke a dumela.” *Dumela Feela*. Gomme, Tate, re a rapela gore e tla ba go feta koša go ren a bošegong bjo le go ba kgontha. A nke re be le tumelo ye kgolo ka go Wena bošegong bjo.

³ Gomme bjale re rapelela kereke ye nnyane ye, modiša wa yona, wa ren a Ngwanešu Fuller, mohlanka wa Gago, ngwanešu yo re nago le boitshepo ka go yena. Gomme re rapelela lapa la gagwe, bašomi ba gagwe mo, matikone, bahlokomelaphahlo, le bohole ba ba tlago ka go mejako ye ya go hlomphega. Re a rapela, Morena, ka mehla e tla dula e le ntloseetša bakeng sa Jesu Kriste.

⁴ Šegofatša bohole baena ba go direla bao ba lego mo bošegong bjo, bao ba tlago ka gare le ka ntle le ren a, gohle go bapela le tsela. Re a rapela, Tate, gore O tla ba šegofatša kudu.

⁵ Gomme re a kgopela, bošegong bjo, bakeng sa tšhologelontle ye nngwe ya Bogona bja Gago godimo ga ren a. Re a hloka, Morena. Re a Go hloka. Re hloka kgafetšakgafetša gobane re mo lepatlelong la ntwa, Morena, moo dipetho di swanetšego go dirwa. Gomme re a rapela, Tate, gore O tla re hlohleletša kgafetšakgafetša ka Bogona bja Gago. E dira bontši kudu go ren a, go tseba gore O na le ren a. Nno ipontšha Wenamong go ba gona, Morena, gona go re hlohleletša go ya pele. Fodiša balwetši le batlaišwa. Phološa balahlegi. Hlohleletša ba go ngenega. Hwetša letago go Wenamong. Re e kgopela ka Leina la Jesu. Amene.

Le ka dula.

⁶ Ke a dumela e bile Dafida o rile, “Ke thabile ge ba rile go nna, ‘A re yeng ka ntlong ya Morena.’”

⁷ Billy o rile, lebakana la go feta, o rile, “A ga o hwetše mohuta wa go lapa, papa?”

⁸ Ke rile, “Ee. Ke be ke lapile bophelo bjohle bja ka.” Go fihlile mo ke go tlwaetšego.

⁹ Ke thoma go nagana, “Gabotse, ke tšofala kudu. Ke swanetše ka mokgwa wo mongwe go tlogela gannyane.” Ka

gona yo mongwe o tla mmogo, a ka ba masomeseswai goba masomesenyane a mengwaga ka bokgale, a no tšuma naga, o nyakile go ba gabedi mengwaga ya ka, le a tseba. Ke naganne, “Nna! Ke lewa ke hlong ka nnamong.”

¹⁰ Tlase ka tabarenekeleng kua gae, go ne baratani ba bannyane ba kgale ka leina la Kidd, ba tlago tlase fale go tšwa Ohio. Bjale, bobedi ba ka gare, gabotse ka fale, masomeseswai tlhano goba masomeseswai seswai. Gomme ba tšofetše bjalo go fihla ba sa kgone go ya ka dikerekeng bontši kudu, ka gobane tša bona... Ga ba ne segalontšu sa go lekanel. Eupša le tseba se ba se dirago? E ka ba theipi ye nngwe le ye nngwe... Mosadi yo monnyane yo wa kgale o bolokile tšhelete ya gagwe gomme o rekile segatišamantšu. Gomme kafao o hwetša theipi. Ke mo romela ditheipi. Gomme o tla tsea ditheipi tše, gomme o tla ya ka dipetlele, moghole a ka kgonago go bea segatišamantšu se, yena le monna wa gagwe yo monnyane wa kgale, ba bapala tsona ditheipi. Gomme ka gona ke tla mo romela rolo ye kgolo ya—ya mašela a thapelo ao ke a rapeletšego. Gomme gatee ka lebakana, “Ngwanešu Willy, ke feletšwe ke mašela a thapelo gape.” Gomme ka gona ge ke ba bona, o be a etla ka kerekeng, moriri wo monnyane wo mošweu, šole ye nnyane; gomme yena, moisa yo monnyane nthathana.

E ka ba mengwaga ye mene goba ye mehlano ya go feta, ge ke be ke le go...

¹¹ Leina la lefelo lela ke eng ka Ohio, moo ba nago le khonferense yela ngwaga wo mongwe le wo mongwe? Ba e bitša Chautauqua. Eupsa ke a lebala bjale. E godimo ga mabala kua. Eupša se le—le leina la toropokgolo le lego, Ga ke kgone go nagana ka lona. [Ngwanešu o re, “Franklin.”] Kgaetšedi o re, “Miami, ka Middletown.”—Mor.] Bjale, ke, le thwi kgauswi bjale. Yo mongwe o rile re ya thwi go kgabola Miami. [Ngwanešu gape o re, “Franklin.”] Gomme e kgauswi le Franklin. Ee. Yeo ke nnete. Thwi ka go... ke a dumela e magareng ga Franklin... [Banešu ba babedi ba re, “Middletown.”] Middletown. Yeo ke yona. Yeo ke nnete. Kafao, yeo ke nnete, Middletown, tlase nokeng, kafao ka Chautauqua ka kua. Leo ke lela le legolo la paseketepolo, lefelo la tša mabelo fale.

¹² Gomme ngwanešu yo, oo, ke ba tsebile lebaka la mengwaga, gomme Ngwanešu Kidd yo monnyane wa kgale ke, oo, ke a thankā o masomeseswai ge ba mo tšeela ka gare, gomme dingaka di hweditše gore prosteite ya gagwe e be e pherile. Gomme ka fao sehloga se se ile sa no mo tatetša go dikologa. Go Gabotse, ba rile se swanetše go dirwa karo. Kafao ge ba mmutše, “Gobaneng, ga go bohlokwa bja go kara. O ile kgole kudu.” Le a bona? O rile, “Ga go tsela ya go e dira, le gatee.” Gabotse, o tlišitše moisa yo monnyane gae. Gomme, karo, ethata go mokgalabje wa masomeseswai a mengwaga bogolo. Gomme o be a imela feela e ka ba, oo, ke a thankā, gannyane go feta diponto tse lekgolo.

¹³ Kafao, Mdi. Kidd o leleditše godimo, tlase. Ke be ke sa tšwa go tla gae go tšwa felotsoko. Ngwanešu Kidd o be a ehwa. Gomme o rile, “O nyaka go go bona, Ngwanešu Branham, pele o... pele a tloga.” Gabotse, Billy le nna re tšere go tepoga. Re ne mo—mo molaetša, bošego bjo bongwe, e ka ba ka iri ya lesome. Re thomile, mosong wo o latelago, e ka ba ya bone. Ka baka la gore, ka sekgalela letšatši le le latelago, ke ile ka swanelwa ke go tloga gape. Gomme re nyakile go kgeila dithaere go tšwa koloing ya rena, go ya godimo kua.

¹⁴ Moisa yo monnyane wa kgale, ba mo hweditše ge ke fihla kua. Gomme o be a na le šolo ye nnyane godimo ga magetla a gagwe, a dutše fale bjalo ka mopatriaka wa kgale. E nno dira se sengwe go nna. Gomme ge ke ile go mo lebelela, o lebeletše godimo.

¹⁵ Go be go le mohumagadi yo mongwe wa go tšofala a dutše fale, o be a le yo mongwe wa maloko a kereke ya gagwe ge e sa le a rera ka dithabeng, naga ya malahle ka Kentucky, moo a hlatswitšego bakeng sa disente tše lesometlhano ka letšatši, go romela monnabogatša wa gagwe ntle ka mašemong go rera Ebangedi. Yeo e bile e ka ba mengwaga ye lesome pele ke tswalwa; ke rera Molaetša! Gomme o lebeletše godimo, gomme o mmiditše “koko,” gomme yena bogolo bja mengwaga ye masomeseswai. Gomme o be a fetile masomesenyane. Gomme kafao o rile, “Koko, o bogega bošweu wa leswele.”

¹⁶ Ka gopola, “Yeo ke tsela ya modiredi go lebelela ba bangwe ba phuthego ya gagwe, ba robetše, ba dutše fale, ba ehwa. ‘Koko, o bogega bošweu wa leswele.’” Ya.

Gomme o lebeletše morago tikologong. O rile, “Ngwanešu Branham?”

Ke rile, “Ee, Ngwanešu Kidd?”

¹⁷ O rile, “Gabotse, ke a thanka go ka se be botelele go fihla A tla romela koloi ya ka fase.” O rile, “Ke ya godimo, mosong wo.”

¹⁸ Gomme ke rile, “Go a makatša, Ngwanešu Kidd.” Ke rile, “Yeo ke tsela ya go ikwela.”

¹⁹ Gomme Kgaetšedi Kidd yo monnyane wa kgale, ke ba bakae ba mo tsebago, ka fa? Ya. Ke a tseba, oo, bontši bja lena le a ba tseba. Kafao o rile... O rile, “Eupša, Ngwanešu Willy, a ga o nagane gore Modimo a ka kgonia go fodiša papa bjale?”

Ke rile, “Kgonthe, A ka kgonia.”

²⁰ Gomme o rile, “Gabotse, letago go Modimo!” O rile, “Ge A nyaka go mphodiša,” o rile, “ke—ke komana go šoma gape.”

Ke naganne, “Bogolo bja mengwaga ye masomeseswai!”

Ka thoma go khunama fase. Fao gwa tla pono. E be e le yona.

²¹ Matšatši a mabedi moragwana, ba mo tšeetše morago godimo go ya bookelong. Bašemane ba gagwe ba be ba le sephodiseng

fale ka toropongkgolo. Ga se ba kgone go e kwešiša. Ba mo tšeetše morago go ngaka. Gomme ngaka e ngwaya hlogo ya gagwe, o rile, “Monna, ga go mohlala wa seo nka go se hwetša e ka ba kae, bjale, mpotšeng kanegelo ya lena.” Gomme ka gona o nyakile a phušulela bookelo fase. Thwi morago le segatišamantšu sa gagwe, šo o a tla, a raloka Molaetša. Gomme ba dula fale go . . . Gomme thwi fale kgauswi le Chautauqua le fale.

²² Bjale, ka pela ge ke thoma *Mahuto A Šupago*, bjalo ka ge re dirile *Mabaka A Šupago A Kereke*. O nteleditše bošego bjo bongwe, o rile, “Gabotse, hani, ge nka be ke no ba le tšelete,” o rile, “ka kgonthé ke tla rata go tla tlase.”

²³ Ke rile, “E lebale, Mdi. Kidd. Kamora ya gago—ya gago e letile. Wena le papa theogelang tlase.”

O rile, “Šegofatša pelo ya gago ye nnyane!”

²⁴ Gomme seo se no ntira go ikwela gabotse ka kgonthé, le a tseba, gobane ba a ntlhohleletša. Ka masomeseswai tlhano goba masomeseswai tshela a mengwaga bogolo, gomme o sa ya. Gona nna, ke belaela fa, ka masometlhano tharo. Kafao, nna, go go dira o ikwele boka go tšea tutuetšo.

²⁵ Gabotse, re na le bontši kudu go bolela ka sona, gomme sehlopha se sebjalo sa go ratega go bolela le sona, gabaneng, re ka no dula fa seripa sa bošego.

²⁶ Eupša le swanetše go ya sekolong sa Lamorena mosong bjale. Bjale, le swanetše go ba le nnete go dira seo. Gomme elelwang, ka mehla ke be ke re, ke sebe ka go felela go romela bana ba lena sekolong sa Lamorena. O se tsoge wa dira seo. Yeo ke phošo. Ba tsee, ka mehla. Le a bona? Ka mehla eya le bona. O . . . Gomme kafao, bjale, seo ke mosong.

²⁷ Kafao, bjale, ge o swanetše go lofa mošomong, go kwa, go ba le rena le go rapela le rena, le go ya pele, o swanetše go lofa mošomong, seo se lokile. E no ya pele gomme o lofe mošomong, eupša o se lofe kereke. Le se lofe kereke. Nka se le dire thari go lekanelia go hlaiwa ke kereke. Eupša ge o swanetše go lofa mošomong, gatee ka lebakana, seo se ka se gobatše. Bjale, ka gore, šoma, bjoo e no ba borotho bja gago bja tšatši ka tšatši, gomme, wena, Morena o tshepišitše go fa bjoo. Kafao, eupša, se, o swanetše ka kgonthé go ba le kgonthé go tla kerekeng. Le a bona?

²⁸ Ke a nagana, gosasa mosong, ke na le ngwanešu tsoko yo mongwe wa go loka fa ka toropongkgolo. Eupša ga ke tsebe leina la gagwe ke mang bjale. Ke nagana gore e bitšwa Apostolic Church, goba Apostolic Church, a ke re. Ke Apostolic Church. Nka—nka no tseba ngwanešu. Leina la gagwe ga le godimo ga pampiri. Eupša ga—ga ke tsebe gore ngwanešu ke mang ka nako ye. Ka gona gosasa bošego, godimo . . . [Ngwanešu o re, “Macias.”—Mor.] Tshwarelo? [“Ngwanešu Macias.”] Ngwanešu Macias. Oo, Macias. Oo, kereke ya Mexico. A ke nnete? Oo, a

ke yena yoo a tšerego lefelo la Ngwanešu Garcia ge a tlogile fa? [“Nnête.”] Go kaone. Seo se lokile kudu.

²⁹ E re, ke hweditše lengwalo, mo nako ye nngwe ya go feta, go tšwa go morwedi wa gagwe, godimo... Ngwanešu Garcia, godimo ka—ka California, o sa swareletše. Kafao, ke leboga kudu. Gomme ke bone Ngwanešu le Kgaetšedi Garcia ge ke be ke le ka San Jose, ke a dumela, le Ngwanešu Borders godimo fale. Ba no dira gabotse. Nka se tsoge ka lebala wona mašego godimo kua go kereke ye nnyane yela ya Mexico. Ga se nke ka tsoge ka kwa bontši kudu bja “Gloria a Dios” ka go bophelo bjohle bja ka. Nka se tsoge ka lebala seo, “Gloria a Dios.”

³⁰ [Ngwanešu Williams o bolela le Ngwanešu Branham—Mor.] Nna! Ke a go leboga, Ngwanešu Williams. Seo ke se sebotse. Ditulo tše makgolo a lesometlhano, mo mosong, ka kerekeng ye. O re, yo mongwe le yo mongwe etla godimo, ge o sa ye... Bjale, ema motsoつ. Bokaone ke hlokomele ka seo. Ke boletše se sengwe sa phošo nako yeo. Aowa. Tlhokofalo yohle, o wa lefelo la gago la mošomo. Le a bona? Le se ke... Bjale, seo se lokile.

³¹ Gomme lehono ke hweditše ba... Ke bone tente. Ke be ke le tlase mo ka Sixteenth le Henshaw. Goba, seo ke se e bego e le sona ge ke be ke le ka go sona, godimo mo ka Arizona, e ka ba mengwaga ye masometharo tlhano ya go feta, tsela ya kgale ya tšila. Ke ile nté kua mo ba bego ba le gona, gomme e be e le Sixteenth le Henshaw. Ke be ke dula fao le batho ba bangwe, Francisco, gomme—gomme bjale o be o ka se tsoge wa tseba lefelo la go swana. Ebile e fetotše leina. Ke nagana le bitšwa Buckeye Rock bjale.

Gomme, oo, ka fao dilo di fetogago, eupša Modimo ga a dire.

³² Gomme ka fao ke be ke le godimo kua gomme ke bone ngwanešu o na le kopano ya tente. Ngwanešu tsoko tlase kua yo a nago le tente godimo. Ke ile go dikologa go bona ge eba ke tla kgona go mmona, eupša ga se ke mmone e ka ba kae, go mmotša gore re be re se mo ka go phenkgišano go yena. Eupša, go no ba batho ba bantši mo!

³³ Ke elelwa Jack Shuler. Se se tla ba gabotse go lena setšhaba sa Methodist. Ge ke etla ka mo nako ye nngwe, ke be ke le ka Madison Square Garden, Jack o be a le nté mo ka go—ka go sekolo sa go phagama. Gomme—gomme ke mmiditše. Gomme ke rile, “Ngwanešu Jack?”

O rile, “Ee. A yo ke Ngwanešu Branham?”

Ke rile, “Ee.” Ke rile, “Ke kitimela thwi ka fa go wena.”

³⁴ Gomme o rile, “Aowa.” O rile, “Aowa. Ke nno dula godimo botelele kudu gomme ka tsene ka go nako ya gago.”

³⁵ Gomme ke rile, “Oo, ke maswabi, Ngwanešu Jack.” Ke rile, “Ga se ke...”

³⁶ “Aa,” o rile—o rile, “seo se lokile, Ngwanešu Branham.” O rile, “Ba nno nnyaka ke dule.”

³⁷ Ke rile, “Oo, sehlopha sa ka se ka se go tshwenye ntle kua, go le bjalo, Jack,” ke rile, “gobane bontši bja ka ke Pentecostal.”

O rile, “Ka nnete, ya ka ke yona, le yona.”

Ke rile, “Ya?”

“Gobaneng,” o rile, “kgonthe.” O rile, “Ke nna mopentecostal.”

³⁸ Ke rile, “Bjale, bokaonana o se dumelele Bob go tseba seo.” Ke tatagwe, le a tseba. Gomme ke Momethodist, le yena, o tailwe ka go wulu, le a tseba.

³⁹ “Gabotse,” o rile, “Ngwanešu Branham, a ga o tsebe se—se mopentecostal a lego?”

Ke rile, “Ke nagana bjalo.”

O rile, “Ke Orthodox Methodist.”

⁴⁰ Seo se no ba e ka ba nnete, Orthodox Methodist. Yeo ke nnete. Ge kereke ya Methodist e ka be e ile ya tšwelapele ka molaetša wa yona, e ka be e ile thwi pele ka go pentecost. Ke—ke Kereke ya kgonthe e dirile.

⁴¹ Aowa, ga go lenyatšo go kerekelaina ya gago bjale, ngwanešu. Le a bona? Ka gore, pentecost ga se mokgatlo. Ba lekile go dira seo, eupša ka kgonthe ba šitilwe ka go sona. Le a bona? Ke boitemogelo. Ya. Pentecost ke ya Makatoliki, goba—goba Bajuda, goba mang kapa mang yo a hwetšago... Pentecost ke boitemogelo, e sego mokgatlo.

⁴² Gomme bjale ge yo mongwe le yo mongwe a na le Beibele ya gago e bulegile, goba kgauuswi, gore o rata go bala le nna Mantšu a se makae. Ke rata go bala Lentšu, a ga le? Gobane, morago ga tšohle, se ke tla se bolelago se ka palelwa, gobane ke nna motho. Eupša se A se bolelago se ka se palelwe. Le a bona? “Magodimo le lefase di tla feta, eupša Lentšu la Ka le ka se palelwe.” Oo! A seo ga se makatše? Lentšu la Gagwe le ka se tsoge la palelwa. A selo sa letago seo se lego! Lentšu la Gagwe le ka se tsoge la palelwa.

⁴³ Bjale a re baleng bošegong bjo go tšwa, le go goga bokamorago bjo bonnyane go tšwa, se ke yago go se tšeа bakeng sa sehlogo, Morena ge a rata. Ke ka go Puku ya Amose, seprofeto sa Amose. Gomme o phetše e ka ba makgološupa le... Ke a nagana e ka ba mengwaga ye makgološupa le masomeseswai šupa pele ga go tla ga Kriste. A re phetleng go tema ya 3 ya Amose, Lentšu la Morena ka Amose. Gomme ke—ke rata monna yo. O tšewa go ba yo mongwe wa baprofeta ba bannyane, eupša ka nnete o be a na le Lentšu la Morena.

Kwang lentšu le leo MORENA a le boletšego kgahlanong le lena, O bana ba Israele, kgahlanong le lapa ka moka le ke le tlišitšego go tšwa nageng ya Egepeta, ke re,

Ke tsebile lena feela . . . malapa ohle a lefase: kagona Ke tla le otla bakeng sa bokgopo bja lena bjohle.

A babedi ba ka sepela mmogo, ntle le ge ba kwane?

Afa tau e ka rora ka sekgweng, ge e se ya bolaya selo? afa tau ya ledumaedi e ka lla go tšwa serobeng sa yona, ge e se ya swara selo?

A nonyana e ka wela molabeng godimo ga lefase, moo go se nago moreo? a yo mongwe a ka tloša molaba go tloga lefaseng, gomme o se wa swara selo le gatee?

Na phalafala e ka letšwa ka toropongkgolo, gomme batho ba se boife? na go ka ba le bobo ka go toropokgolo, gomme MORENA a se a bo dira?

Ka nnete Morena . . . a ka se dire selo, eupša o utolla diphiri tša gagwe go baprofeta bahlanka ba gagwe.

Tau e a rora, ke mang a ka se boifego? Morena MODIMO o boletše, ke mang eupša a ka profetago?

⁴⁴ A nke Morena a oketše ditšhegofatšo tša Gagwe go Mantšu a.
⁴⁵ Mahlo a gagwe a mannyane a swanetše go be a be a sesefetše, ge letšatši la go fiša le phadimela tlase mosong wola le go benya maledu a gagwe a mašweu le moriri wa gagwe, ge a be a phara thaba leboa la Samaria gomme a lebelela godimo ka toropongkgolo. Diaparo tša gagwe di be di tlwaelegile, gomme maoto a gagwe a le lerwele. O be a se bontši kudu go lebelelwā, eupša o be a na le O RIALO MORENA bakeng sa batho.

⁴⁶ Go fapano bjang lehono go tloga go boebangedi bja rena bja sebjalebjale! A peakanyo ya go fapano re nago le yona, go feta yena!

⁴⁷ Moisa yo monnyane yo, ga se yo mongwe ge e se Amose, moprofeta wa therešo wa Morena, le Lentšu la Morena, bakeng sa moloko wola wa sebe! Yo wa go hloka poifo, monna yo monnyane o profetile ka matšatšing a Jerobeama wa bobedi.

⁴⁸ Jerobeama o be a le setswerere, setswerere kudu, monna yo bohlale, eupša o be a le morapelamedingwana. Gomme Jerobeama o išitše mmušo wa gagwe pele go ntlhorwana ya wona, eupša o be a le ka go go rapela medingwana. O e dirile ka tsela ya go fošagala. Eupša mmušo o be o atlegile ka tlase ga Jerobeama.

⁴⁹ Gomme, ka mehla, katlego e hlola sebe. Batho ba bantši ba lebelela godimo ga katlego bjalo ka ditšhegofatšo. Go tla ba, ge re ka kgona go e swara gabotse. Eupša ka mehla e etellapele go ya sebeng, go nyatšiša Modimo.

⁵⁰ Mmušo o be o atlega ka letšatšing la gagwe. Gomme, batho. O be a tla dira segwera le ditšhaba tšohle go mo dikologa.

⁵¹ Le ka fao Israele e bego e hlehletše ka go sebe se sešoro, ya tloga go Modimo, e ile kgole go tloga go ditaelo tša Gagwe le ditheo tša Gagwe, gomme e be e ile kgole, gohlegohle, go mantladima. Basadi ba sepetše mekgotheng, ka go tša bona tše kaone, diaparo tša makgethe. Banna ba ile gohle, ba kempola le go nwa. Dipara, re ka di bitša lehono, lefelo la boithabišo, go bulega go phatlalala ka toropongkgolo.

⁵² Sebe se be se hlokomologilwe ke bodiredi, se nno robala go bulega go phatlalala. Lefelo le lebotse, lefelo le legolo la baeti, gomme le be le robetše go bulega go phatlalala. Sebe ga se sa kgalwa go tloga phuluphithing gape. Se be se lokologile.

⁵³ Gomme ge seprofeto se se etla pele, go be go bonagala o ka re se be . . . E tla ba selo sa mafelelo se ka tsogego sa direga. Go ya ka se moprofeta yo a se boletségo go bona, e tla ba selo sa mafelelo se ka kgonago go direga go bona, go tloga tsela ye a rogakilego moloko wola. Eupša, go le bjalo, mo mengwageng ye masometlhano, mušo wa bona ka go felela o o ile wa swielwa go tloga lefaseng.

⁵⁴ Modimo o bolela Lentšu la Gagwe. Gomme Lentšu la Modimo le bjalo ka Peu. Gomme ge Le bjalwa, ge moprofeta yola a etla le Lentšu la Morena gomme a boletsé mantšu a, a ile a swanela go tla go phethega, ge a be a le Mantšu a Modimo. Ge le—le Lentšu la Morena le tloditswe, gomme Le le Lentšu la Morena, Le tlemege go tsea lefelo la Lona ka sehla sa Lona.

⁵⁵ Re kgona go Le bona, ka morago ga mengwaga ye dikete, le tsea lefelo la Lona lehono. Le swanetsé go e dira, ka gore Ke Lentšu la Morena, gomme Le ka se kgone go senyega.

⁵⁶ Yo mongwe o be a bolela letšatši le lengwe go nna, gomme o rile, "Genesi ke phošo, gomme matšatši a tshela a tlholo, gore O boletsé."

⁵⁷ Ke rile, "Genesi 1 go (Genesi) 2 ke selo sa go fapano ka go felela." Tema ya 1 ya Genesi e re, "Mathomong Modimo o hlotše magodimo le lefase," khutlo. O e dirile bjang, gomme ge A e dirile, seo se go Yena. Ee. Ka gona, "Lefase le be le se na le sebopego, gomme le se na le selo," ka gona re thoma go tloga fao, bakeng sa tlholo. Eupša, "Mathomong," bokgole bjo bokae, ga re tsebe. Dipeu tšela tšohle tše A bilego le tšona fale ge meetse a tšwile, bophelo bo tla morago lefaseng gape, bja tlatša lefase. Gomme ge Lentšu la Modimo le bjalwa, ga go selo se ka Le thibelago go direga.

⁵⁸ Gomme moprofeta yo monnyane yo wa go hloka poifo o tšwa e ka ba kae. Selo se nnoši re botšwago ka yena, gore o be a le modiši. Ga re tsebe tatagwe e be e le mang. Ga re tsebe mmagwe e be e le mang. Ga re tsebe kae e ka ba ofe wa moloko wa gagwe, ga go selo ka yena.

⁵⁹ Yeo ke ka mehla tsela ye banna ba ba rometšwego go tšwa go Modimo ba tlago go lefelotiragalo. Ba tšwa go sego felo, gomme ba timelela ka tsela ya go swana. Re be re se ne rekoto ya gagwe, se se diregilego.

⁶⁰ Monna yo mogolo yo Jerobeama, yo a bego a le ma—maa matla a magolo a monagano, gomme o be a ne setšhaba ka katlego, efela, ka sebeng.

⁶¹ Ke a makala, ge re ka se kgone ka mokgwa wo mongwe mohuta wa go no swantšha seo gannyane bošego bjo le naga ya rena beng, setšhaba sa rena beng, ka sebeng ka tsela ye se lego. Go le bjalo, katlego, re ya go hwetša go ripa motšhelo, thwi go tloga, ke a kwa. Nnete, mang kapa mang a ka bala gare ga methaladi fale, kgetho e etla godimo. Eupsa, go ya pele, dilo tšohle tše tseo di kgatlampango.

⁶² Israele, bareri, baprista, le mmuso di be di tlogetše Lentšu la Modimo ka morago, le go itšimeletša. Gomme ke ka baka leo naga e bego e le ka leemong le e bego e le ka go lona, le ge ba be ba no ba le baprista ba bantsi, gomme feela bareri ba bantsi bjalo ka ge ba kile ba ba le bona. Eupsa ba tlogetše Lentšu la Modimo, ba tlogile go Lona. Gomme ka mehla go ka nako yeo, gore Modimo o romela yo mongwe go tšwa e ka ba kae, go e thuthupišetša morago ka tseleng ya yona gape. Motho tsoko wa go hloka poifo o tla tsogela godimo le Lentšu la Morena le go šikinyetša batho morago go Lentšu gape.

⁶³ Ke be ke sa no lemoga fa. Ke be ke ngwadile se sengwe fa, gore mohlomongwe ke tla rata go bolela ka sona gape. Yeo ke go tema ya 2, temana ya 4. Ke tla rata go e bala. Theetsang moisa yo monnyane yo a bolela se.

O rialo MORENA; Bakeng sa dikarogo tše tharo tše tša Juda, gomme...nne, Nka se gomiše kotlo ya tsona; gobane ba nyaditše molao wa MORENA, gomme ga se ba boloka melao ya gagwe, gomme maaka a bona a ba dirile go phoša, ka morago ga ge botatabo ba sepetše:

⁶⁴ Le bona moo molaetša wa gagwe o bego o le? Go o bea thwi morago, gore ba be ba tlogile go Lentšu la Modimo. Go mmadi yo mongwe le yo mongwe wa Beibele, seo se go dirago gore o tsebe gore o be a le moprofeta wa therešo. O ba beile thwi morago go Lentšu, moo ba welego go tloga gona.

⁶⁵ Oo, mohlomongwe dikereke tša bona di be di atlegile. Ka kgonagalo ba bile le meago ye mekaone. Toropokgolo ya bona ka kgonagalo e be e le matsaka kudu go feta Phoenix. E be e le ka Samaria, bjalo ka ge bohole re tseba, e be e le bogare bja baeti. Ebile le bjale, lefelo le lebotse.

⁶⁶ Eupsa, efela, ba tlogile go Modimo. Gomme Modimo o rometše motseta yo go bona. A molaetša wa go sola go tšwa go Modimo! Moprofeta yo monnyane yo o ba tlišitše ntle.

⁶⁷ Bjale, Amose o tlie pele go tšwa lešokeng, go ya go toropokgolo ya matsaka. Ga go makatše mahlo a gagwe a mannyane a go fiwa ke Modimo a sesefaletše tlase ge a be a phara thaba. O . . .

⁶⁸ E sego boka moeti a ka dira, bahumagadi, go re, “Lebelelang go go reka basadi bohole ba go dirago. Lebelelang setaele se seswa ba nago naso tlase mo,” goba e sego bjalo ka ge ba bangwe ba banna ba be ba tla nagana, “Dikhasino, le go ya pele, e be e le tše kgolo kudu ka toropongkgolo,” goba ka baka la gore ba ka no dula dikhoneng tša mekgotha gomme ba bogela go feta ga bong bjo bongwe, kganyogo.

⁶⁹ Eupša moprofeta yo, mahlo a gagwe a sesefetše ka lebaka la sebe seo a se bonego ka go toropokgolo. A be a sa sesefale ka baka la dilo tše a bego a di thabela, eupša go bona gore ba be ba tlogile go Modimo bokgole bjo bokae, batho bao ba biditšwego le go kgethwa. A le etše hloko fa? O rile, “Ga ke tsebe batho ba bangwe eupša lena. Ke le etilepele go tšwa Egepeta, gomme ka gona le tloga go Nna ka mokgwa woo.”

⁷⁰ Gomme ge moprofeta yo, a etla go tšwa go modiši morago godimo ka nageng ya leboa, le Lentšu la Morena, ka fao a lebeletšego godimo ga toropokgolo yela. O swanetše go be a kgaphile sethitho. Diaparo tša gagwe di be di le mankgeretla. Gomme go molaleng e sego tšhelete ya go lekanelo go ithekela ka—ka kamora bakeng sa bošego bjoo. Ga se e dire phapano e itšego go yena. O be a na le molaetša wo o bego o eswa ka pelong ya gagwe, gomme o swanetše go o tliša pele. E sego woo feela, eupša tlotšo ya Moya wo Mokgethwa yeo e mo rathilego ntle ka lešokeng fale, o tswaletše mahlo a gagwe go tloga go matsaka a lefase.

⁷¹ Gomme mohlanka yo mongwe le yo mongwe a tloditšwego wa Kriste, mahlo a bona a foufaditšwe go dilo tša lefase. Ga ba bone dilo tše. Ga ba di lebelele. Ba ne selo se tee: Kriste o pele ga bona. Seo ke sohle ba se bonago. Ga ba boife e ka ba eng. Kriste o pele ga bona. Molaetša o swanetše go išwa go batho, gomme ga ba eme go selo. O ka se kgone go Le tshuma go tšwa go bona. O ka kgona go ba bea ka kgolegong, kgolego, e ka ba eng o nyakago. Ba tla thwi go tšwa go yona gape. Leo le tloditšwe ke Morena. Ee.

⁷² O lebeletše godimo ga go bola ga semoya ga toropokgolo, maitshwarohlephi, le go bola ga semoya ga toropokgolo.

⁷³ Ke a makala ke bahlanka ba bakae ba Morena, ba tshelelago tlase ka kua ga thaba godimo fa, ba tla lebelelago godimo ga Phoenix? Le tlela matsaka fa, le phadimo ya letšatši, le khutšo, ye re ka se bolelego bohwefo ka yeo.

⁷⁴ Fa e se kgale botelele, nako ya go feta ke be ke le fa, ke dutše godimo go Thaba Borwa, mosadimogatša wa ka a dutše morago fale, Ke be ke bolela le yena. Ke rile, “E ka ba mengwaga

ye makgolotharo goba makgolonne ya go feta moedi e be e le lefelo le lebotse, ntle le pelaelo, ge Noka ya Letswai e kitima go kgabola mo, le dikhoyote, le go ya pele, le go khukhuša ga dikgophpha. Lebelela ka fao e lego... Selo ka moka se fetogile togotogo ya sebe."

Gomme o rile, "Gabotse, gona ke eng e go tlišago fa?"

⁷⁵ Ke rile, "Sese se se ntlišago fa. Le ge e le ka leswiswing la yona le ka sebeng seo se lego ka toropongkgolo, go na le mabopaki a mangwe a Morena, dihlwadieme tša go phela tša Kriste, tlase kua. Ke tlie go bea legetla la ka le bona, go phadimiša Seetša sa Ebangedi. Ba bangwe ba baena ba bannyane bale ba kgale tlase kua khoneng ya mokgotha felotsoko, ba e šomile ntle, gomme ba e hlaramolla ntle, le go lla le go e rapela, ka molaetša pelong ya bona. Ke tla go lahlela karolo ya ka le bona, go phadimiša Seetša sa Ebangedi ya go se otswafatšwe ya Jesu Kriste go motsekgorara wo mogolo wa toropokgolo ye ya Phoenix."

⁷⁶ Ka go yona, le ge, e ka ba lefelo la go makatša; ge motho a ka no tsea diphihlelelo tša gagwe gore o kgonne go dira, go aga magae a mabotse boka godimo ga Thaba ya Camelback, Thaba ya Cavalier. Ge ke be ke feta fale, gobaneng, mengwaga ye masometharo tlhano ya go feta, yeo e be e le leganata. Re be re kitimiša dipokolo go kgabola kua godimo ga mokokotlo wa dipere. Gomme godimo ka Thabeng ya Borwa mo, ke lelekiša dipokolo le dipere.

⁷⁷ Gomme bjale e fetogile motsekgorara wo mogolo wa toropokgolo ye kgolo ye ya go kgahliša. E golela ka go masome a dikete atiša ka dikete. E otollogetše ntle, go fihlela bjale go bola ga ditoropokgolo go e tliša go mpilobilo. Go Muši o tla ka gare. Monola wa lena ke wo mobe bjalo ka ge o le ka Jeffersonville, Indiana, ka Moeding wa Ohio. Go nošetša... Motho ka mehla o tšhilafatša lefase. Ge Maindia ba bile le lona, e be e le lefelo le lebotse. Eupša ge monna yo mošweu a etla ka gare, o tlišitše dibe tša gagwe, le bjala, le maitshwarohlephi. Gomme o tšhilafaditše dinaga go fihla e se selo eupša gabotse ke togotogo. A selo go lebelela godimo! Modimo o tla le phumula go tloga sefahlegong sa lefase, le letee la matšatši a.

⁷⁸ Gomme O kgetha batho, ka toko, ba ba tla renago godimo ga lefase, ge A rena bjalo ka Kgoši. Bjale o tsea batho ba Gagwe bakeng sa Leina la Gagwe, batho bakeng sa Mmušo wa Gagwe.

⁷⁹ Bjale, a se bohlale, sehlopha sa bohlale sa Israele; yo mogolo wa yona, yo maatla, moperesidente wa bohlale goba kgoši, Jerobeama, yo a bego a le monna wa setswerere; gomme a ba tla kwa yo monnyane yo, moperesidente wa go se tsebje? A molaetša wo mogolo wo, wo o tukago ka pelong ya gagwe, a o be a ka kgona go sepela go kgabola mekgotha, gomme batho ba be ba tla, basadi ba be ba tla, ikapeša bonabeng gabotse gape, banna

ba be ba tla tlogela dithabene le mafelo a sebe, le go retologela go Modimo go rereng ga yo monnyane yo, moisa wa go se tsebję? Yeo e bile potšišo e ka no ba e tlie ka monaganong wa gagwe, goba e dira wa ka, ge ke mmona a eme fale, gomme ya gagwe ye nnyane, hlogo ya lefatla e phadima letšatšing. Maledu a gagwe a mapududu a lekeletše go dikologa jase ya gagwe. Go lebelela tlase go kgabola fale, le go lebelela godimo ga toropokgolo yela, le mahlo a gagwe a sesefetše, le pelo ya gagwe e rethetha.

⁸⁰ Gomme go le bjalo, ka kua, o bone Mmušo wa Modimo, wo o bego o swanetše go hlongwa kua, bohole ba imetšwe ka sebeng. Gomme ka tsholo go tšwa go Modimo, yeo e tla kgalema go tloga go kgoši go ya go mokgopedi mo mokgotheng, moprista yo mongwe le yo mongwe, moreri, kgoši, mmuši, thobela, e ka ba eng a bilego, o bile le thogako ya Modimo go e bea godimo ga bona. Gobane ba . . . Le tla nagana ba tla mo amogela. Oo, a ba tla e kwešiša?

⁸¹ Elelwang, o be a se na tigelo. O tlie go fapania le baebangedi ba rena ba lehono. O be a se ne thekgo go tšwa go baprista. Ebile ba be ba sa tsebe moisa o be a le mang. Eupša go bile le Yena yo a tsebilego o be a le mang. Yola e bile Yena yoo a mo romilego. Seo sohle se badilwe, go yena, ge feela a tsebile moo a rometšwego go tšwa gona. Molaetša wa gagwe o ile wa swanela go ya pele go no swana, le go sa kgathale.

⁸² O be a se ne ditshwanelo tša kereke go mo thekga ge a be a eya ka toropongkgolo, go tla go mokgatlo wa badiredi, go re, “Baena ba ka, ke romilwe ke sehlopha se se itšego *se*, sehlopha se sa bodumedi. Ke nna wa ye e *itšegoitšego*.” O be a se na le yeo. O be a se na le ye e itšego ya dilo tše. Ebile ga se a be le karata ya kopanelo go bontšha gore ebile o eme ka go kopanelo ye botse ka mokgatlo wa badiredi go tšwa nageng ye a tšwago go yona. O be a se ne tirišano bakeng sa lesolo la gagwe. Ebile ga se nke a botšiša motho ka yona.

⁸³ Moisa yo monnyane yola o be a eme ka lefelong la bothata. Go tla ba go lekanelo go monna go retologa le go ya morago, le go tšea mohlape wa gagwe gape, go tšea go tloga moo a tlogetšego, ge nkabe a ile a no nagana.

⁸⁴ Eupša, le a bona, monna ga se a tšee kgopollo ya bobedi. Ga se a ke a nagana ka ditshwanelego tše di itšego, ebile ga se a ke a nagana ka karata ya kopanelo. O naganne feela ka selo se tee, gomme seo e be e le Lentšu la Morena. Modimo o be a Mo file yona ka taelo, gore o swanetše go ya godimo kua le go profeta. Seo sohle se dirile phapano ye e itšego go yena. O be a na le Lentšu la Morena, gomme ka fao a ikwela gore o be a sa nyake ditshwanelego, goba tigelo e ka ba efe, goba tirišano e ka ba efe. Selo se nnoši a se hlokilego, e bile, o bile le tirišano le Modimo, gomme seo ke sohle se se e tšerego. Ge feela a be a le ka go thato ya Morena, e dirile phapano efe? Ge feela a tsebile gore molaetša

wa gagwe o be o etšwa go Modimo, Modimo o be a tla hlatsela molaetša woo. O be a swanetše go dira.

⁸⁵ Gomme ge a tlišitše molaetša, go bonala o ka re go tla ba baprista bohole, le bareri, le baprofeta ba lebaka leo, ba ka be ba tlide ka gare le go sokologa, gobane ba ka be ba bone seemo sa lefelo, go boneng tshenyego ya maitshwaro. Eupša ge a thoma go profeta ka Lentšu la Morena, Le be le le šele go bona. Ga se ba tsebe selo ka Lona.

⁸⁶ Ka nnete ke seswantšho sa seo lehono. Wo šele, molaetša wa Morena! Kereke ga e tsebe selo ka wona. Ge ba ekwa batho ba emeleta gomme ba efa molaetša ka maleme a go se tsebje, gomme ba efa tlathollo go wona, gomme ba re selo se se itšego se lokela go direga, batho ba retolla hlogo tša bona gomme ba sepela go tloga; ba nagana gore batho ba a gafa. Ba bona yo mongwe a tsogela godimo ka Moya le go profeta, goba a efa molaetša go tšwa go Morena, gobaneng, batho ba kereke ya lefase lehono ba nagana motho o lahlegetše ke monagano wa bona. Ke tše šele go tšwa go bona, gobane ba nyakile go ba seemo sa go swana, lehono, bjalo ka ge Samaria e bile ka go letšatši lela.

⁸⁷ Eupša, elelwang, ge ditšhaba di fihla, goba kereke ya Modimo ka mehla e tsena ka leemong leo, Modimo o be a kgona go tsošetša godimo moprofeta ka Lentšu la Morena go bona. Nnete.

⁸⁸ Ba be ba le lebetše, kgale kudu. Eupša ba swanetše go elelwa, go sa kgathale ge eba ba ka kgona go lebelela godimo go kgabola dipuku tša bona, le go bona ge eba ba bile le moisa go tšwa go tše dingwe tša dikolo tša bona, ka leina la Ngk. Amose, goba aowa. Ba be ba swanetše go tseba, gore, “Modimo wa Abraham o be a kgona go tsošetša bana godimo, goba baprofeta, go tliša Lentšu la Gagwe.”

⁸⁹ Gomme Modimo yola wa go swana o no kgona bošegong bjo bjalo ka ge A bile nako yela. Gomme go tla ba, ka kgonthé, go be go le go se kwešiše go batho. A ka kgona go tsošetša banna godimo, a tlotša banna, go tliša Lentšu la Gagwe. A ka bea Lentšu ka go motho, a mo romela pele, le go netefatša gore Yena ke Modimo, ka motho yola yoo a tla ikokobetšago yenamong le go ineela yenamong go Modimo, gomme a se boife go tsea Modimo go Lentšu la Gagwe. O kgona go e dira, gomme O tla e dira. O tshepišitše O tla dira.

⁹⁰ Gomme Mantšu a Gagwe, ka nnete, a be a hlatsetše go bona ka letšatšing leo. Gobane, ge moloko wola wa go swana o sa phela, tšohle tše Amose a di profetilego di diragetše.

⁹¹ Ke a makala lehono, bjale, gore ge Amose a ka tla go rena, a re tla mo amogela lehono? A Phoenix e tla amogela Amose? Ge felotsoko go kgabaganya thaba mo, felotsoko, goba tlase go tšwa go karolo ye nngwe ya naga, go tlide yo monnyane, moisa wa go apara mankgeretla ka mokgwa woo, go sepelela ka mo le go

kgala badiredi, le go re, "Ke na le Lentšu la Morena," a le nagana re tla mo amogela? Ka kgonthe aowa.

Selo sa pele re tla mmotsiša, "O na le sehlopha sefe?"

⁹² Gomme go ka reng ge a ka retologa go dikologa, a re, "Sehlopha sa Legodimo"? Seo se tla ba mohuta wa go ba sa go se tlwaelege go rena, ke a boifa.

⁹³ Eupša yeo ke tsela go bilego nako yela. Gomme mohlomongwe go ka ba tsela ya go swana lehono ge Amose a etla tiragalang.

⁹⁴ A re, feela bakeng sa se ke se boletšego, go mo nametše fa, feela dinakwana di se kae, le go bona se re naganago o tla se dira. Le tseba se a tla se dirago? Ke a dumela o tla ganetšana le peakanyo ya rena ka moka. Ee, mohlomphegi. O tla ganana le dithuto tša rena tša kerekeleina. O tla ahlola Mamethodist, Mabaptist, Presbyterian, Lutheran, Katoliki, le Mapentecostal. O tla tšeela selo ka moka ka gare. Ka kgonthe o tla dira. O be a ka se dumelane le dithuto tša bona tša kerekeleina. O be a tla ya thwi go motheo wa motheo wa Lentšu, le go thoma thwi go Lentšu. O be a tla thoma lesolo la gagwe godimo ga O RIALO MORENA.

⁹⁵ Gobaneng, gobaneng, le nagana Phoenix e be e tla mo amogela? A le nagana Louisville ba be ba tla mo amogela; New York, Boston, Massachusetts, goba e ka ba kae e ka bago, California? Aowa, mohlomphegi. Ba be ba tla ba le moisa yo monnyane ka kgolegong ka pela ka mo ba bego ba ka kgona go mo hwetša kua. Ka kgonthe ba be ba tla dira. Ka kgonthe ba be batla dira seo. Ge a ile morago go Lentšu, ke ne kgonthe ba tla dira, gobane sehlopha se sengwe le se sengwe se be se tla ganetšana le yena. Fao go be go ka se be yo motee a dumelanganago le yena, ka baka la gore ba swanetše go swarelala go ditšo tša bona gore ba ganane le Lentšu.

⁹⁶ Re tla swanelo go elelw Gore ke moprofeta wa therešo. Ge nkabe a bile, gomme ge eba o be a le moprofeta a rometšwe go tšwa go Modimo, o be a tla ba leswao le tee go yena, leswao le tee la kgonthe le re tsebago ke yena moprofeta: o be a tla dula le Lentšu. Ka gore, fao ke mo Lentšu la Modimo le tlilego, e be e le go baprofeta.

⁹⁷ Le tseba se a tla se dirago? O tla thuthupiša le go ahlola moloko wo. O tla ahlola mosadi yo mongwe le yo mongwe wa moriri wa go kotwa ka nageng. O tla ahlola moreri yo mongwe le yo mongwe wa kerekeleina. Ka nnete o be a tla dira. O be a tla ahlola mokgogi yo mongwe le yo mongwe wa sekerete, mosadi yo mongwe le yo mongwe yo a aperego dišothi goba dileka. O be a tla di kgeila go arogana. Gobaneng? E kgahlanong le Lentšu. Nnete tlwa.

⁹⁸ Le nagana re tla mo amogela? Le ka mokgwa ofe. Ba be ba ka se mo amoge.

⁹⁹ O be a tla ahlola maitshwarohlephi a kereke. O be a tla šikinya monwana wo monnyane wola wa kgale wa mašošo mo sefahlegong sa bona bareri le go re, “O nyaka go mpotša gore o ipitša mohlanka wa Modimo yo a tloditšwego wenamong, gomme o tla ema phuluphithing gomme wa dumelela basadi ba lena go apara thobalano magareng ga banna ba lena, le dilo boka tše? O dumelela basadi ba lena ba baswa ba emele godimo ka mokgwa woo? O tla dumelela banna ba gago go nyala makga a mabedi goba a mararo, le go ba matikone ka dikerekeng? O nyaka go mpotša gore o tla swarelela go ditshwanelego tše o nago le tšona ka seatleng sa gago, le go retologela ka thoko Lentšu la Modimo?” Oo, nna! O be a tla thuthupiša selo. Ee, mohlomphegi. Maitshwarohlephi a kereke, le maitshwarohlephi a maloko, o tla e thuthupiša. Nna! Leloko le lengwe le le lengwe, o be a tla kgeilela fase. Thuto ye nngwe le ye nngwe ya madirwa ke motho, o be a tla kgeila selo diripana.

¹⁰⁰ Bjale, a le ka amogela monna boka yola? Aowa. Ba ka se e dire. Ka kgonthe ba be ba ka se e dire. Ba be ba tla ntšhetša moisa yola ka ntle ga toropo ka pela ka mo ba bego ba kgona. Gobaneng, mokgatlo o be o tla be o kopana mmogo, le go re, “E re, re swanetše go dira se sengwe ka se. Botša phuthego ya gago go se ye kua go kwa seo.” Aowa. Aowa. Re ka se mo amogelete, le ka mokgwa ofe, re ka se mo amogelete. Ka kgonthe. Ba ka se kgone go e dira.

¹⁰¹ Mo theetšeng a thuthupiša. Oo, ke a e rata fa. Ke lebeletše thwi tlase go se a se boletšego. O rile, “Yena Modimo yoo le tleleimago go mo hlankela o tla le fediša.”

¹⁰² O be a tla bolela selo sela sa go swana lehono. Rena Maamerika re itatile renabeng ka go dilo tše dintši tša go itlhopha, meago ye megolo kudu bjalo, le dinomoro tše kgolo ka go mekgatlo ya rena, le bjomle botsebalegi bjo bokaone bjo, le badiredi ba seminari ba ba katišitšwego godimo go homola le go se bolele selo ka yona, gobane ba boifa ba tla kgaolwa go tšwa kerekeng. Nnete. O tla thuthupiša selo seo ka diripana, gobane se kgahlanong le Lentšu. Ka kgonthe o tla dira. Gomme yena Modimo yoo re tleleimago go mo hlankela o tla—o tla tshuma selo se, le lengwe la matšatši a. O tla se thuthupiša ka diripana.

¹⁰³ Amose o be a ka se fetole mantšu a gagwe, ge a ka be a le fa lehono. Dulang thwi morago go Lentšu! Oo! Eng? Mo theetšeng a ba botša kua, “Modimo o le ratile. O le tlišitše. O le dirile batho ba ba kgethilwego.”

¹⁰⁴ Ke tla rata go mo kwa ka kerekeng ya Pentecostal nako ye nngwe. Le a dumela ke Amose, mohlomongwe le tla tloga mokokotlong wa ka gona, lebakana. Le a bona? Ee, o be a tla ba botša. O be a ka se goge matswele. O be a tla e thuthupiša feela ka maatla ka mo a kgonnego, le go ba botša moo ba bego ba hlaeelwa ke Lentšu.

¹⁰⁵ Modimo yo a go ntšitšego go tše tša go dirwa gae, mebušara ya madirwakemotho, mengwaga ya go feta! Mengwaga ye masometlhano ya go feta, botatagolena le bommagolena ba tšwile go ditshepedišo tše tseo di tlemilego le go tliša lefase ka go tšona. Gomme Modimo o rometše kgaogelo ya Gagwe tlase le go le biletša ntle, kgole go tloga go sebe le dilo tše—tše di bego di le ka kerekeng. Gomme bjale le retologetše thwi morago go dikologa, boka Samaria e dirile. Gore, Modimo o ba tlišitše ntle go tšwa go tšona dinaga, gomme ba retologetše thwi morago go dikologa gomme ba dirile segwera le naga yela, ka fao re lego lehono, le go leka go phenkgišana le dikereke tšela tše kgolo tša kerekeleina. Re aga dikolo tše kgolwane. Eng? Ga re hloke dikolo tše kgolo. Go lokile; ga ke ne selo go bolela kgahlanong le yona.

¹⁰⁶ Eupša nako le nako ge o tsea mothomi goba moetapele yo a yago pele ka letšatšing la gagwe, go lokile, o tla dira botse mo letšatsching la gagwe, eupša, ka pela ge a sepetsé, morago ba tla aga mokgatlo godimo ga ntlhora ya mošomo wa gagwe. Ka gona ba tla hwetsa seholpha sa boRicky ba bannyane ka kua, le boElvis, gomme, selo sa pele le a tseba, ba phetla selo go se dira se ba swanela bonabeng. Gomme ka gona *yo mongwe* yo o tla godimo gomme o lahlela se sengwe gape, gobane ke moithuti yo mogolo wa bohlale go tšwa Harvard felotsoko, goba se sengwe. Gomme selo sa pele, ba thoma go lahlela *se*, le go tloša *Le*, le go re *Le* le be le sa re *seo* le *sela*. Le morago thwi ka go leraga la go swana la kgale gape. Ee.

¹⁰⁷ Ge Amose a ka be a be le fa, o be a tla thuthupiša selo thwi go otlologa go ya mobung. Ga se nke a aga lesolo la gagwe godimo ga ke dikereke tše dintši gakaakang a kgonnego go di hwetsa go dirišana le yena. A be a ka se tsoge a agile kereke ya gagwe godimo ga mokgatlo wo o itšego goba dikarolo tše dingwe tša bolefase tša kereke. Selo se a bego a tla se dira, o be a tla aga lesolo la gagwe godimo ga O RIALO MORENA. Modimo o be a tla mo thekga bjalo ka ge ka mehla A dirile, go netefatša gore ke nnete. O rile, “Go na le bothata. Go na le mpilobilo ka kerekeng ya lena.”

¹⁰⁸ O be a tla reng lehono? O be a tla reng ka Lentšu lela la Modimo le lekeletše ntle mo pele ga rena? Timotheo wa Bobedi 3, moo E rilego, “Ba tla ba hlogothata, ba menagano ya godimo, barati ba maipshino go feta barati ba Modimo; babatasekgoro, dihwirihwiri, ba go se itshware, le banyatši ba bao ba lekago go phela gabotse; ba na le sebopego sa bomodimo, eupša ba tla gana maatla a bjona.” Le nagana gore moprefeta a ka kgona go tsoga go lefelotiragalo gomme a feta seprofeto seo ka thoko?

¹⁰⁹ O tla re, “Go phethagaditšwe mahlong a lena letšatšing le,” ka fao gore kereke e tla ba female, le ka fao dilo ba tla di dirago. O be a tla—o be a tla tliša kelellong ya lena Mantšu ao a Modimo. O tla tliša go kgopolu ya gago se Modimo a rilego O tla se dira mo letšatšing le, ge Amose a tsogile go lefelotiragalo. E sego

seo feela, eupša Modimo o be a tla netefatša, ka Amose, se A tshepišitšego go se dira mo letšatšing le. Nnete. O be a tla dira. O e dirile ka letšatšing lela. Ka mehla O e dirile. Nnete.

Re be re ka se amogege Amose ge a tsogile go lefelotiragalo.

¹¹⁰ Bjale, ka fao, "Sebopego sela sa bomodimo," ema godimo kua ka go—ka go dikhwaere, le—le go dikologa godimo, dikhwaere tše kgolo tša diaparo tše telele, le—le go opela bjalo ka Barongwa; le go bina, bošego bjo bo latelago, bjalo ka bodiabolo. Yeo ke nnete. Le a bona? Yeo ke therešo tlwa. Ba bangwe ba ttile ntle ka tše kgolo, ba apere diaparo tše telele, ba lebega matšoba ka mokgwa woo, gomme ba lebega boka mohuta tsoko wa Sephedi sa barongwa; le go ema godimo kua le go gana Lentšu, go swana le ge moyo e ka ba ofe wo mobe o tla dira. "Ba na le sebopego sa bomodimo, eupša ba tla gana maatla a bjona." Eyang, go boleleng ka kolobetšo ya Moya wo Mokgethwa, bona, gobaneng, o tla—o tla le raka kerekeng. Le a bona? Gobaneng? O swanetše go dira. Eupša ba tla ema ka dikerekeng tše le go dumelela maloko a bona, ka lebatong la ka tlase, go dira momenekano le rokenrole.

¹¹¹ Gomme tša rena tše di bitšwago diY.M.C.A., ke a makala gore C e emela eng. Sepelela ka go bona, ebile o ka se kgone go kwa selo eupša Leina la Morena u-... A ke Sosaete sa Banna Ba Baswa Ba Go Rogaka?

¹¹² Ke dutše, e sego telele go fetile, ka hoteleng, ke be ke le go kgabaganya go tloga Y.W.C.A. Gomme e be e le bogoboga go bona bona basetsana ba bannyane ntle fale mo lebatong, go fihla e ka ba ka iri ya senyane, ba leka go roba maoto a bona, ba dira go menekana. Yeo ke nnete. Gomme bohle ba bona, maloko a kerekere, ba opela ka dikhwaereng, gomme ba rutile sekolo sa Lamorena. Ga go selo eupša diabolo, a ruta bona bana ba bannyane ntle kua lebatong, tshepedišo ye e dirilwego, e bitšwago bodumedi. Nnete. Moprefeta wa therešo o tla thuthupiša selo sela thwi morago ka go muši wa hele moo se hlogilego. Ka kgonthe ke therešo.

¹¹³ Le nagana Amose o be a ka kgona go ema mo sefaleng le go rera Ebangedi, le go lebelela ntle godimo ga sehlopha sa basadi ba moriri wa go kotwa le go se se ahhole? Le nagana o be a ka se tsopole Jesaya 5, le Bakorinthe ba Pele 14? Gomme, oo, a o be a ka se—a o be a ka se tšhollele yeo godimo? Nnete. O be a tla dira. A sepela go theoga mekgotha le go bona basadi ba apere diaparo tše dinnyane, ba bonala eke banna, tša go swinelela kudu gore letlalo le be ka ntle, go nyakile; ba eya tlase, ba menekana, ba tsatsanka, ba sepela ka mokgwa woo, ba ikgobokela ka bobona mmogo, gomme le nagana monna wa Modimo o be a ka se eme ka phuluphithing gomme a thuthupiša selo seo? Mola, ga se gantši go tsoge gwa bolelwa go tloga—go tloga phuluphithing. Gomme seo ke ka dikerekeng tša Pentecostal, le sona. Yeo ke nnete tlwa.

Go be go ka se dire phapano go Amose. Uh-huh. Ba bangwe . . . O be tla ba yena yoo a tla e bolelago. A be ka se boife, gobane o be a tloditšwe ke Morena. Gomme ge a bile le O RIALO MORENA, e be e swanetše go ba Lentšu la Morena.

¹¹⁴ O tla Samaria, e sego go lebelela matsaka a bona, go bala ke mekgatlo ye mekae, le ke dipalo tše dintsi gakaakang ba bilego le tšona.

¹¹⁵ Bjalo ka ge ke boletše bošego bjo bongwe, go bonala go ba, lehono, gore kereke ka moka e agilwe godimo, selo se segolo magareng ga baena lehono, ba dikereke, ke, “dinomoro, dinomoro,” yo motee o leka go phala yo mongwe. “Dinomoro!” Modimo ga a bale dinomoro. O bala semelo. Semelo ke se Modimo a lebeletšego go se hwetša, yo mongwe A ka kgonago go bea diatla tša Gagwe godimo ga gagwe, yo mongwe yo a tla emago go iketla botelele go lekanelia.

¹¹⁶ Bjalo ka ge re boletše, “Diphetho! Ngwaga wohle, re bile le diphetho tše ntši kudu.” Ao ke matlapa, “maipolelo.” Gomme ke botse bofe letlapa ntle le moagi wa leswika ka Lentšu le bogale la Modimo, go mo mmetlela go ba morwa wa Modimo, goba morwedi wa Modimo, le go mmea ka Kerekeng moo a lego wa gona? Matlapa a a tokologa a ka se dire moago. O swanetše go a betla le go a bopa.

¹¹⁷ Re hloka banna lehono, banna ba ba tloditšwego, boka Amose a bile, bao a tla ripago lefase go tloga go mosadi yola le go mo dira morwedi wa Modimo, ba ripa lefase lela go tloga go monna. Go sa kgathale ke bahlokomenaphahlo ba bakae ba mo lahletšego ntle, goba e ka ba eng gape, o tla ema go O RIALO MORENA. Ee.

¹¹⁸ Re be re ka se amoge Amose, ga ke nagane, ka mokgwa wo. Le nagana Amose o be a tla dira eng ge a sepeletše ka go kereke ya Pentecostal ya lehono, e tteleimago go hlahlwa ke Moya wo Mokgethwa, gomme ka gona a bona selo selia se swanago ka kerekeng ya Pentecost yeo e tteleimago go hlahlwa ke Moya wo Mokgethwa? Ke a makala. Bjale, re ka bolela ka Mabaptist, le Mamethodist, le Malutheran, eupša, ge go etla go mojako wa rena beng wa ditšila, gona go reng ka seo? Re ile kgole go tloga go Lentšu la Modimo! Se sengwe se fošagetše, felotsoko. Yeo ke nnete tlwa. Ya. Ba tlide le go dira dilo tšohle tše tša go fapania, le go tteleima go hlahlwa ke Moya, go bina ka Moya, dinako tše dingwe ebile go bolela ka maleme.

¹¹⁹ Ke dumela go go boleleng ka maleme. Ke dumela go go bineng ka Moya. Ke dumela go goeletšeng. Eupša go na le bontši bo ya le seo. Yeo ke nnete. O dira dilo tše tšohle, gomme wa gana Lentšu, gona go ne se sengwe sa phošo felotsoko, se ne moya wa go fošagala. Uh-huh. Modimo ga a etepele batho ba Gagwe go ya go dilo tše bjalo, go le bjalo. Aowa. Yena ga a dire.

¹²⁰ Ke a nagana ke nako e ka no ba phathi ye nngwe e tlagos ntle, Phathi ye nngwe ya Tee ya Boston, go bolela. Kereke e hloka se tee. E hloka go hlwekišwa go gobotse ga kgonthe.

¹²¹ Ge, Joan wa Arc, mo matšatšing a a fetilego, kereke ya Katoliki e hlailwe ke go tseba gore o be a le mokgethwa ge a be a phela, gobane o bone dipono, o kgonne go hlatholla ditoro, mosadi wa go tlala ka Moya. Gomme Modimo o šomišitše mohumagadi yo monnyane. Gomme ba naganne o be a le moloi. Gomme ba mo tshumile mo koteng, bjalo ka moloi. Le tseba seo. Baprista ba Katoliki ba dirile seo ka bobona. Makgolo a mengwaga a fetile, gomme ba hwetša gore o be a le mokgethwa. Gona, ge ba be ba eya go mo dira mokgethwa, ba ile ba swanela go dira boitsholo. Kafao ba epolotše mmele wa baprista bale le go ba lahlela ka nokeng, go dira boitsholo. Le a bona, e fetile thwi kgauswi gomme ba šitwa go e bona. Ba dirile botse kgauswi le selo sa go swana le Mokgethwa Patrick le bohle ka moka ga bona.

¹²² Ga go makatše Jesu o rile, “Le hlwekiša le go dira mabitla a baprofeta a mašweu, gomme ke lena bao le ba beilego ka kua.” Yeo ke nnete. Se re se hlokago lehono ke Amose yoo a tla tlišago morago Lentšu la Morena go rena. Ka kgonthe o a dira.

¹²³ Bjale, dittleleimi tša rena le dilo ga di re selo ntle le ge Moya wa Modimo o le fao go thekga dittleleimi tša rena. Ge maphelelo a rena a sa bapele le dittleleimi tša rena, gona go ne se sengwe sa phošo.

¹²⁴ Joan wa Arc o išitše Fora go tokologo. Ba be ba hloka tokologo. Seo ke tlwa se ba se dirilego. Ba be ba hloka phetogokgolo, gomme o ile a e etelela pele. Eupša ka morago ga phetogokgolo, moo phošo e dirilwego, ba be ba hloka seganetša phetogokgolo go otlolleta—go otlolleta se ba bego ba se lwantšha.

¹²⁵ Ke re kereke ya Pentecostal ke selo sa kgaušwiuswi ke se tsebago go Beibele lehono. Ge go ka be go se, ke be ke tla ba ka go se sengwe. Yeo ke nnete. Ke be nka se eme mo ke senya nako ya ka, ke bolela le batho ba Mapentecost, ge ke be ke sa nagane go be go le dikhlofelo. Nnete. Pentecost e lokile. Eupša ge re hloka Pentecost go tla mmogo le metlwae ya rena e robilwe, gona re hloka selwantšha phetogokgolo. Re hloka seganetša go tla; ke ne... e sego tleleime ya Pentecostal, eupša Pentecostal ya go hlweka e etla.

¹²⁶ Modimo ke yo mokgethwa. Bao ba phelago ka Yena ba swanetše go phela bokgethwa. Ke Modimo yo mokgethwa. Beibele e rile, “Ntle le bokgethwa, ga go motho a tla bonago Morena.” Yeo ke therešo. Bophelo bja Gagwe ke bjo bokgethwa. Gomme ge Bophelo bja Gagwe bo le ka go wena, bo go dira yo mokgethwa. Ntle le bjona, ga o bone Morena. Gomme lebelela mo a fapogelago gona.

¹²⁷ Re se sengwe go swana le Israele e bile ka matšatšing ao, go le bjalo. Israele e naganne, ka gobane ba be ba atlega, se sengwe le

se sengwe se be se eya gabotse. Ba bile le segwera, mo matšatšing a bona, le ditoropokgolo tše dingwe. Gomme ba bile le segwera. Mmušo o bile le segwera le badiredi, le baprista, le baprofeta. Gomme ba naganne se se be se lokile. Gomme ba naganne seo se be se no thabiša Morena. Eupša ba bile le moisa yo monnyane yoo a emeletšego le go ba tliša morago gape. Yeo ke nnete.

¹²⁸ Feela gobane ba atlegile, ke moo re dirago phošo. Katlego ga se leswao la tšhegofatšo ya semoya. Yeo ke nnete. Ga go nthathana e lego. Katlego, dinako tše dingwe, ke tšhičišo.

¹²⁹ Le elelwa se Morena a se boletšego ka Israele? “Ge o be o le yo monnyane, ge o be o se na le selo, ge o be o robetše ka mading a gago mong mo molaleng, go se motho go go hlwekiša, Ke go tšeetše ka gare. Ka gona o Ntlhanketše. Eupša ge o godile go lekanelo go fihla o naganne o be o lokile le go šireletšega mong, gona o Ntlogetše.” Ka mehla ba dirile seo.

¹³⁰ Usia, bjalo ka ge ke boletše ka difihlolo tša Banna ba Kgwebo mosong wo mongwe, o be a le monna yo mogolo. O swareletše go Morena. Eupša letšatši le lengwe ka morago ga ge Modimo a mo tiišeditše... Gomme o be a le mohlala wo mogolo go Jesaya moprofeta. Eupša ka morago ga ge a bile go tia, le go agega, ditšhaba tša thoma go mmoifa. O agile maboto a gagwe le go thoma go hwetša dilo tša matsaka. O ile a itemoga mong. O ile a lebelela ka fao a bego a le yo mogolo. Gomme ka gona o lekile go tšea lefelo la moreri. Gomme Modimo o mo iteile ka lephera, gomme o hwile e le wa lephera. Le a bona? Ga re tsoge ra nyaka go phagamišwa, ka dipelong tša rena.

¹³¹ Gomme dinako tše dingwe, ge re bona mekgatlo ya rena e atlega, re thoma go re, “Ke rena sehlopha se segolo. Ke rena sehlopha se segologolo sa Pentecostal se lego gona. Re na le bontši go feta ka moka ga bona.” Goba, “O ka se kgone go ya Legodimong ntle le ge o le wa sehlopha sa rena,” goba se sengwe. Ge o fihla ka tsela yeo, o ikarogantše wenamong go tloga go Lentšu la Morena. Nnete. Elelwang, lepai le bophara go lekanelo go otlologa bakeng sa ngwaneno. Yeo ke nnete tlwa. Mo tseele ka gare.

¹³² Oo, re hloka bjang, lehono, pitšo morago go Lentšu la Morena. Lebelelang, lehono. Gomme setšhaba sa rena se hloka pitšo morago.

¹³³ Ke ya go bolela, bjo bongwe bja mašego a, ge nka kgona, ke nyaka... ke na le peomolato. Ke swanetše go leta go fihla ke tliša bareri bohole mmogo. Ya. Ke nyaka go bea moloko wo molato wa Madi a Jesu Kriste, le go e netefatša go lena. Le a bona? Bjale, nka no ba le, go tšwela ntle felotsoko go dira seo. Eupša re tla, re bona ge re ka kgona go ba le difihlolo mosong wo mongwe, feela bakeng sa badiredi. Gomme ke—ke nyaka go, Morena a nthuša, go laetša tlwa moo re—moo re lebantšego, tsela ya go fošagala.

Re swanetše go tla morago. Ga go tsela ye nngwe eupša go tla morago. Nnete.

¹³⁴ Lebelelang setšhaba sa rena lehono. Lebelelang se re lekago go se dira, sona selo se se diregilego ka go lebaka la leswiswi, go kopanya kereke le mmuso mmogo.

¹³⁵ Lebelelang kopano, kopano, goba kha—kha Khansele ya Dikereke tša Lefase. Dikereke tšohle di ya ka go Khansele ye ya Dikereke tša Lefase, gomme ba nagana bjo ke botee bja Modimo. Gobane, dikereke tšohle, United Brethren, banna ba dikereke tša motheo, ba ya ka go mokgatlo wo mogolo wo motee wo mogolo. Ke ka baka la go hloka go tseba Lentšu la Modimo. Moprefeta o boletše gore selo sela se tla direga, “Ba tla direla sebata seswantšho, gomme se tla ba le maatla a go bolela.”

¹³⁶ Oo, a le nagana Amose o a ka kgona go ema phuluphithing bošegong bjo tlase fa, ge a be a le ka Phoenix, gomme a palelwa ke go llela ntle go selo seo? E be e ka se be gore o be a tla ba kgahlanong le rena, baena, eupša o tla ba kgahlanong le tshepedišo yeo e re gogago go tloga go Lentšu. Seo e tla ba se a tla se dirago. “Banna bale ba ka sepela mmogo bjang?” Beibele e boletše fa, ka fa, Amose. Morena o rile, “Botša batho, ‘Ba babedi ba ka sepela mmogo bjang, ntle le ge ba kwane?’”

¹³⁷ Bjale, re ya go tšeа bjang dihlopha tša rena tša Pentecostal le go ya ka go Khansele ya Dikereke tša Lefase, ge seripa sa bona ka fale, go feta seripa, masomeseswai tlhano goba masomesenyane tlhano a phesente, eibile ba gana tswalo ya kgarebe? Ba a gana. Ke a thanka, diphesente tše masomesenyane senyane tša bona ba a gana, ba gana phodišo Kgethwa. Ba gana dikokwane tša Beibele. Ba gana go bolela ka maleme. Ke feelsa sehlopha sa Pentecostal se nnoši se tšeago seo. Gomme re ya go kopana bjang renabeng le bona ka go botee? Re ya go ba batee bjang le bona? Re ya go sepela bjang le bona ntle le go dumelana le bona? O ya go e dira bjang? O tla swanela go gana tumelo ye kgolo ya boebangedi yeo o nago le yona, dikokwane tša motheo tša Beibele, go sepela le bona.

¹³⁸ Ke a le botša, Modimo o bitša motho ka motho. O a go bitša, bjalo ka motho ka motho, go dula le Lentšu la Gagwe le go dula le Yena.

¹³⁹ Modimo o be a ka kgona bjang go sepela le bona, ge dithutotumelo tša bona beng, di dirilwe ka bohlale bja bona beng bja lefase, go gana Lentšu la Gagwe? Ge thutotumelo e amogela thuto ya sehlopha sa banna, mmogo, gomme e gana Lentšu go ba bjalo, gona o retolla Modimo go tloga go wena. Modimo ke yo mokgethwa. Gomme Modimo, Beibele e re, O hlokomela godimo ga Lentšu la Gagwe, go Le hlatsela. Gomme A ka kgona bjang go hlatsela Lentšu, mola Lentšu le se gona? Ke ka baka leo re nago maloko sebakeng sa bana. Ke gore, re na le thutotumelo. Gomme yo mongwe le yo mongwe a ka kgona . . .

¹⁴⁰ Lefase le lebeletše monna wa godimodimo. Ba šomela . . . Ba lebeletše se sengwe seo se ka go ba dumelela ba swarelala go boipolelo bja bona bja Bokriste le go phela ka tsela e ka ba efe ba nyakago. Basadi ba nyaka go dira bjalo ka Hollywood gomme ba sa swareletše gore ba na le Moya wo Mokgethwa. Bareri ba nyaka go aga kereke ye kgolokgolo le go dira dilo tše tšohle, le go ba le matikone bao ba nyetšego makga a mantši. Gomme—gomme ba ka kgona go dira dilo tše dinnyane tše le go apara diaparo *tše*, ba e bitša bolokologi bja basadi.

¹⁴¹ Le nagana Amose o be a tla ema tse bakeng sa seo? Aowa. Ka nnete o be a ka se ke. Le nagana Amose o be tla ema tse, le go kopana le ditatelano tš dititulo le dipišopo godimo fale, le go re, “Baena, ke nagana le dirile selo se segolo.”

¹⁴² O be a tla re, “Lena sehlopha sa magwaragwara! Lena baekiši! Lena bagani ba Tumelo!” O be a tla bolela selo sa go swana se Mika a se boletšego, letšatši lela pele ga baprofeta bale ba makgolonne ba go itira setaele ka bobona.

¹⁴³ Ba rile, “Ka go nomoro, lešaba le gona, gomme go na le polokego.” Go ya le gore o nyaka go šomiša Lengwalo leo kae.

¹⁴⁴ Nka kgona gore, “Judase o ile gomme a itekeletše ka boyena; gomme o ya go dira selo se se swanago.” Ga e šome fao.

¹⁴⁵ Gomme ga go šome, gore, “Ka go bontši bja dikeletšo go na le polokego.” Kereke ya Katoliki e ne yona go lena bohle gona.

¹⁴⁶ Ka go Lentšu la Modimo go na le polokego. Beibele e rile, “Leina la Morena ke tora ye maatla. Baloki ba tšhabela ka go yona gomme ba bolokega.” Gomme leo ke lefelo le nnoši la go bolokega ke le tsebago. Baprofeta ka mehla ba dumetše seo. Ge Abraham a hwile, ge . . . Ge Jobo a hwile, o ipeile yenamong ka go naga ya tshepišo, lebitla la gagwe.

¹⁴⁷ Ge Abraham a ehwa, o rekile seripana sa naga thwi ka lefelong la go swana, hlenq le Jobo. O dirile eng? O šeditše moprofeta yola. O tsebile yola o be a le monna wa Modimo, gomme o rile, “Ke a tseba Molopolodi wa ka o a phela, gomme ka matšatšing a mafelelo O tla ema godimo ga lefase. Le ge diboko tša letlalo di sentše mmele wo, efela ka nameng ya ka ke tla bona Modimo.” Ya. Gomme Abraham o tsebile seo. O bolokile Sarah fale. O rekile seripana sa naga, le go boloka . . . Yena, yenamong, o bolokilwe fale.

¹⁴⁸ Isaka, ge a hwile, o tšeetšwe morago le go bolokwa fale. Isaka o belege Jakobo.

¹⁴⁹ Gomme Jakobo o hwile tlasetlase ka Egepeta. Eupša pele a ehwa, o biditše morwa moprofeta wa gagwe, Josefa. Gomme o tsebile o be a le moprofeta, monna wa semoya, a hlatholla ditoro, gomme o bone dipono, di be di phethagetše gabotse nako le nako. O rile, “Etla mo, Josefa, morwa moprofeta wa ka. Bea seatla sa gago godimo ga letheka le leo ramaatlakamoka Modimo o

nkgwathilego mengwaga ya go feta, gomme a fetola leina la ka go tloga ‘mofori’ go ya go ‘kgošana le Modimo.’ Bea diatla tša gago godimo fa gomme o ene ka seo Modimo gore o ka se mpoloke tlase fa ka Egepeta.” Gobaneng? Gobaneng? È dirile phapano efe?

¹⁵⁰ Seo ke se ba se bolelago lehono, “E dira phapano efe?” Re hwetša sehlopha sa batho, go ba dira ba tšoene kereke, le go tloga mekgotheng. Wena nako ye nngwe o mo dira ngwana wa hele momenwagabedi go feta a be a le ntłe mokgotheng. Yeo ke nnete. Go dira phapano.

¹⁵¹ Josefa, ge a ehwa, o boletše, o rile, “Letšatši le lengwe Morena Modimo o tla le etela.” O be a le moprofeta. O rile, “Morena Modimo o tla le etela. Gomme le se ke la tlogela marapo a ka tlase mo, eupša a tšeeleng godimo ka nageng ya tshepišo.” Gobaneng? O tsebile gore Thakangwaga ya tsogo e tla tšwa go naga ya tshepišo. Yeo ke tlwa.

¹⁵² Jesu, ge A ehwa, le go tsoga mosong wa Paseka, Beibele e boletše, gore, “Ba bantši ba bakgethwa bao ba robetšego ka leroleng ba tsogile, gomme ba tšwela ka ntłe ga mabitla gomme ba bonagetše go ba bantši.” E be e le mang? Abraham, Isaka, Jakobo, Josefa. Gobaneng? Ba be ba le lefelong la maleba.

¹⁵³ Ke ka baka leo ke rego e dira phapano. Le no se mpoloke ntłe fa ka go Methodist tsoko, Baptist, goba kereke tsoko ye nngwe. Mpolokeng ka go Jesu, “Ka gore bona ba ba lego ka go Kriste Modimo o tla ba tliša le Yena ge A etla.” Gomme e dira phapano. Nnete, e a dira.

O se dumelele yo mongwe go go botša, “Gobane o tšoena kereke.”

¹⁵⁴ Amose o be a ka se tsoge a šišimala bakeng sa seo. O be atla re, “Yena Modimo yoo le bolelago gore le a mo hlankela . . .”

¹⁵⁵ Ke tla bolela se Leineng la Morena: Yena Modimo yoo setšhaba se se swanetšego go mo emela o tla senya setšhaba se. O tla senya dikereke tše. Modimo wa Legodimo o tla romela bogale bja Gagwe fase ka kahlolo le go fediša dikereke tše, tše di bitšwago dikereke. Elelwang, le tšeal lentšu la ka.

¹⁵⁶ Ga go yo a ka tšoenago Kereke. O tšoena lefelo la marobalo. Ga o tšoene Kereke. O tswalelwka ka Kerekeng. Le a bona? O tšoena lefelo la marobalo la Methodist, lefelo la marobalo la Baptist, lefelo la marobalo la Katoliki, lefelo la marobalo la Pentecostal. Eupša o tswalelwka ka Kerekeng ya Modimo yo a phelago; gomme yeo ke ye A tlago ka morago ga yona, Kereke yeo. Kafao, re na le mafelo a marobalo, e sego Dikereke. Eng kapa eng e ka kgonago go kgobokana ka go lefelo la marobalo, baikaketši le se sengwe le se sengwe gape. Eupša ke tla le dira le tsebe se thwi bjale, go ya ka Lentšu, ga go moikaketši yo motee ka Kerekeng ya Modimo yo a phelago. Ga go selo Kua eupša bakgethwa.

¹⁵⁷ Bjale, boleloko bo ka kgona go go tšeela ka gare. Gomme le nagana—le nagana Amose o be a ka se thuthupiš seo? O be a tla šikinyetša selo sela go motheo wa sona. Ka kgonthe o be a tla dira.

¹⁵⁸ Lebelelang. Ge Israele e be e le tseleng ya yona, go tloga go ya ka nageng ya tshepišo, e hlahlwa ke Moya wo Mokgethwa, Pilara ya Mollo e be e le pele ga bona, Leswika le le iteilwego le ba šetše morago.

¹⁵⁹ Gomme fao gwa tla Moaba ntle, yo e bego e le ngwanešu. Elelwang, o be a le karolo ya Israele, le yena. O be a le karolo, bjalo ka ge go tšwa go moloko wola wa Bajuda, ka gore e be e le ngwana wa Loto ka morwedi wa gagwe. E tlišitše ntle Moaba.

¹⁶⁰ Gomme lebelelang Bileama, moprista, o tlie ntle kua le go dira aletara, o neetše mohuta wa go swana wa dihlabelo, feela ka motheo ka fao a kgonnego go ba. Le a bona? Gomme o bile le motsebalegi le yena. O be a na le kgoši. O be a na le bohle banna ba bagolo, bakgoma le balaki, ba eme le yena.

¹⁶¹ Eupša go be go le yo Motee a eme le Moshe yo a sego a mmona. Yoo ke Yo a emego le Amose. Yoo ke Yo a tla emago le motho yo mongwe le yo mongwe yoo a lego fa, bošegong bjo, yoo a tla emelago Modimo le toko. Ga go kgathale bontši gakaakang bja magoši, dikgoši di lego fale, ga ba ne selo se tee go dira le yona. Ba ka se tsoge ba kgona go rogaka se Modimo a se šegofaditšego. Gobaneng? Ke Peu ye e phelago. Ke Lentšu la Modimo. E tla golela go phethagalo ya Yona. Oo, maswao a Modimo yo a phelago ka kampeng! Ke gore, go be go lebega o ka re Israele e dirile phošo tlase kua. Eupša ba šitwa go bona Leswika lela le iteilwego, le Poelano yela e diretšwego Israele. Gomme fao go be go le kgoeletšo ya Kgoši ka kampeng. Modimo o be a na le bona. Gobaneng? O be a fodiša balwetši, le go dira mehlolo ye megolo, le maswao le matete, gomme Pilara ya Mollo e lekeletše godimo ga bona. Moshe o be a latela Pilara ya Mollo. Bana ba Israele ba be ba latela Moshe. Gomme ba be ba le tseleng ya bona go ya nageng ya tshepišo, gomme ga se gona se yago go ba thibela. Amene.

¹⁶² Oo, a go ka se be bonolo go bušeletšwa lehono, ge Modimo a ka kgona go hwetša yo mongwe ka seatleng sa Gagwe, ka go taolo ya Gagwe? Pilara yela ya Mollo e sa phela. O sa swana maabane, lehono, le go ya go ile. Lentšu le sa phela.

¹⁶³ Modimo, re romele Amose yoo a . . . yoo a tla emelago Therešo le go loka, a šikinya dilo tše.

¹⁶⁴ O re, “A re ka . . . Ke mohuta mang wa dipuelo o naganago o tla ba le tšona?”

¹⁶⁵ Gabotse, o tla ba le dipuelo, go fihla a tla bitša bohle bao Modimo a ba beetšegopele go bitšwa. Ke bao a tlagi go ba hwetša. “Bohle Tate a Mphilego ba tla tla.” Ee.

¹⁶⁶ Mika o be a le pele ga Ahaba, gomme Ahaba a mo hloya. Ka moka seholpha sa bodiredi se be se le kgahlanong le yena. Gomme bohole ba be ba šušumeditšwe, le bona, eupša tšhušumetšo ya bona ga se ya kgonana le Lentšu. Ke a nagana, mohlomongwe, Amose o bethile selo sela sa go swana.

¹⁶⁷ Ge baprista ba sepeletše ntle mokgotheng, ba rile, "Bjale, ema motsotso. Moo—moo... Mpontšhe ditshwanelo tša gago. O tšwa go sekolo sefe? Ke lešika lefe o tšwilego go lona? A o... Ke mang a go dirilego moprista?"

O be a tla re, "Modimo o ntirile yo motee."

"O tšwa sekolong sefe?"

¹⁶⁸ "Jehofa Modimo. Ke na le O RIALO MORENA." Ba tla mo theetša? Ka kgonthe aowa. Ba be ba sa nyake go kwa mothaka yola. Nnete aowa. Ba be ba sa nyake....

¹⁶⁹ Gomme, go le bjalo, bona banna ba ka be ba rile, "Ke šušumeditšwe. Gabotse, ke nna wa kereke ye kgolo ya Bafarisei fa. Lebelela ka fao Modimo a re šegofaditšego. Re beile dialetara tša gauta ka gare. Re beile ditempele godimo. Re dirile dilo tše tšohle. Gomme, oo, moneelo wa rena wa boromiwa ke wo mogolo go feta e ka ba ofe wa dikereke ka moka go kgabaganya tšohle tša Judea. Gabotse, re dira dilo tše tšohle *fa*. Batho ba rena ke balefi ba karolo ya lesome ba bagolo, le tšohle tšela." Eupša efela Mika goba....

¹⁷⁰ Amose o eme fale gomme o rile, "Modimo yoo le tleleimago gore le a mo hlankela o ya go le fetšiša." Gomme e diregile ka tsela yeo.

¹⁷¹ Bjale, ga ke ahlole mananeo a boromiwa. Ga ke ahlole dikereke tše kgolo. Eupša, bothata bja ntshe ke, batho ba bea mahlo a bona godimo ga seo, le godimo... go tloga go Lentšu. Gomme, mafelelong, e go hlahlela thwi go tloga ka go selo seo, gomme o ikhwetša ka bowena o thedimoga. Etla thwi morago go Lentšu. O se ye kgole go tloga go Lona. Oo, ka fao re hlokago sello, go tšwa lešokeng lehono. Ka kgonthe ke therešo bjale. Ka kgonthe.

¹⁷² Mabaka a mangwe, batho ba fa mabaka. Ba nyaka go fa mabaka. Seo ke selo sa pele seo se hweditšego... Seo ke se se lahlegetšwego ke kopanelo ya morafe wa motho, ke ge Sathane a tsebiša lenaneo la go fa mabaka kgahlanong le Lentšu go beng bjalo. Gomme le kwagala go kwešišega kudu.

¹⁷³ A re nong go tšea Sathane, se a ka bego a se boletše go Efa, ge Modimo a ba tswaleletše ka gare ka Lentšu la Gagwe.

¹⁷⁴ Seo ke selo se nnoši seo Modimo a kilego a se fa batho ba Gagwe go ba šireletša go tloga go lenaba, e bile Lentšu. Yena ga se a ke a re fa thutotumelo. Yena ga se a ke a re fa selo eupša Lentšu la Gagwe. Seo ke phetho. Gomme Modimo ke mohlokamagomo, mokgonatšohle, mosefetoge. A ka se kgone go

fetoga. Lenaneo la Gagwe la pele le phethagetše. Yena ga se a tsoge a swanela go le fetola.

¹⁷⁵ Sephetho sa gagwe sa mathomo, ge motho a dirile sebe gomme a tshela legaga le legolo lela gare ga gagwe le Modimo, a itlogelela yenamong go se tsela morago, Modimo, a tletše ka kgaogelo le mogau, o amogetše kemedi. Feel a Modimo yo a tletšego ka kgaogelo le mogau o kgona go dira selo boka seo. O amogetše kemedi, gomme kemedi yeo e be e le madi. Leo ke lefelo le nnoši leo motho a ka tsogego a tla go kopanel a le Modimo gape, ke ka tlase ga madi a tšholotšwego. Gomme ga se ya ke ya tsoge ya ba nako e ka ba efe ye motho a ka kgonago go kopanel a le Modimo, feel a ka madi. Gomme ke therešo kudu, moo a kopanelago le Modimo.

¹⁷⁶ Bjale, Efa o hlephišitše dithapo. Efa o thoma go fa mabaka. Sathane o boletše ka mokgwa wo, "Bjale, wena o... Ga o tsebe. Ga se o be le sekolo se se itsego bjale. Ke nna profesa ya seminar ntle mo." Ya gagwe mong. "Gomme, ke a go botša, re ithutile dilo ntle kua. Re ithutile gore Modimo o lokile kudu! Re ithutile ka seminaring ya rena gore Modimo o lokile kudu! Ga A letele go dira tšohle A di ngwadilego fale. Ga A letele seo."

"Ya, eupša," o rile, "Morena Modimo o boletše."

¹⁷⁷ Bjale, a ka be a dirile moreri yo mokaone, ge a ka be a dutše go Lela. Ke ka baka leo a ahlotšwego go ba yo motee lehono. Le a bona? Mo tlošeng go yona. Amose o be a tla reng ka seo? Ke duma ge nkabe ke mo kwele lebaka la e ka ba metsotsye mehlano, le go gatiša molaetša wa gagwe. Ke be ke tla e bea thwi godimo ga theipi, go dumel a lefase lohle go e kwa. Uh-huh. Ka gona nka kgona go homola ka yona, go tloga nako yeo go ya pele. Elang hloko. Ee, mohlomphegi, o tla e ahlola.

¹⁷⁸ Gomme ela hloko se a se boletšego. Bjale, Sathane o rile... Bjale, a ka se kgone go dira seo le Efa, le a tseba...

¹⁷⁹ O be a ka se kgone go dira seo ka Adama, eupša o dirile ka Efa. Kafao o rile go Efa, bjale, "Bjale le tseba se." O rile, "O a tseba, ka kgonthe Modimo o lokile kudu go go gobatša. Modimo... Ka kgonthe o ka se hwe. O a tseba Yena ke Modimo wa go loka."

¹⁸⁰ Re kwa kudu ka seo lehono. Ke Modimo wa go loka. Eupša, gore a be wa go loka, O swanetše go ba wa toko, gape. Seo ke se se Mo dirago go loka. Yena ga se moteketekiana. Yena ke Modimo.

¹⁸¹ Gomme bjale, "Modimo o lokile kudu go dira seo go wena." Gomme a thoma, o rile, "Gobaneng, o tla ba bohlale. O tla ba le thuto. O tla ba setswerere le bohlale. O tla—o tla tseba dilo tše o sa di tsebego bjale." Le a bona?

¹⁸² O be a swanetše feel a go tseba selo se tee, seo e be e le Lentšu. Ga ra swanela go ba le Grata ya Bokgabo, le Ph.D., le LL.D., le dilo tšohle tše dingwe tše. Go no tseba Lentšu la Modimo.

Ngwana yo bonolonolo, yo a ka kgonago go bala, a ka kgonago go le tseba, go tseba.

¹⁸³ Eupša, go fa lebaka, gomme ba hweditše eng? Ba hweditše eng? Thwi fale ba phuhlame. Gomme Sathane o tsebile o fentše moloko wa motho thwi fale. Gomme ke moo a ba fentšego ge e sa le.

¹⁸⁴ Ke ka lebaka leo Amose a ttilego. Gobane, botsebalegi le dikgopololo tša botsebalegi, le yo mokaone, mopresidente yo mogolo goba kgoši, gomme o be a tlišitše katlego. Batho ba tla rekiša maphelo a bona bakeng sa tlhakanantswiki ya dinawa, boka Esau. Ga ke leke go gobatsa, eupša ke leka go dira therešo.

¹⁸⁵ Lena Mademocrat le rekišitše ditokelo tša lena tša tswalo e se kgale botelele. Yeo ke nnete. Gomme ga ke Morepublican. Ke nna Mokriste. Eupša, ngwanešu, a kgobogo! Gomme le ile la swanela go tsea motšhene wa boradia go e boutela ka gare ka mokgwa woo. Eupša seo ke se Amerika e bego e se nyaka. Ba se hweditše. Ka mehla O le fa se le se nyakago.

¹⁸⁶ Modimo, mphe Lentšu la Gago. Seo ke se ke se nyakago. “A nke ke fihle Lentšu la Gago ka pelong ya ka, Morena, gore ke se dire sebe kgahlanong le Wena.”

¹⁸⁷ Oo, ba bangwe ba fa mabaka. Eupša, le a bona, Amose ga se a kgone go fa mabaka, gobane o be a le moprofeta. Lentšu le tla go yena. Aowa.

¹⁸⁸ Go swana le Lentšu lehono, o swanetše go Le hlatholla, a nke Moya wo Mokgethwa o Le hlatholle ka go Le hlatsela ka bophelong bja gago.

¹⁸⁹ Seo ke se se boletšwego, se, le a tseba, Jeremia o rile go—go moprofeta Hananya. O rile, “Ge moprofeta yola a bolela, gomme se a se bolelago se bonagatšwa, gona baprofeta ba tsebile o be a nepile.”

¹⁹⁰ Ge Amose a ka be a le fa, le nagana o be a tla dira eng? O be a tla—o be a tla dula le Lentšu. Seo ke se a bego a tla se dira. Le a tseba ke eng? O be a tla re botša gore re rutilwe go tloga motheong wa Lentšu la Modimo la setlogo. O be a tla re botša gore re kgole go tloga go Kereke ya pele ya pentecostal. Seo ke se a bego a tla re botša Mapentecostal. O re, “Bjale, ba bile le e ka ba mengwaga ye masometlhano go ikhwetša wenamong o le ka kereng, gomme ga se nke wa ke wa tla fale.” Oo, o be a tla reng go bomotho bja kerekereina? Gabotse, oo, ge a be a ka se fe seo, ge a be a ka se šwalalanye dikereke, bakeng sa maitshwarohlephi a bona, bakeng sa go amogela dithutotumelo, go tšoena kerekere sebakeng sa go tswalelwka go yona!

¹⁹¹ Gabotse, ge o tswaletšwe ka go yona, ngwanešu, kgaetšedi, o itshwara go fapano. O—o dula le Lentšu. Ge Moya wo Mokgethwa o le ka go wena, O ja feela go Lentšu. Jesu o rile, “Motho a ka se phele ka borotho feela, eupša ka Lentšu le lengwe

le le lengwe,” e sego karolo ya Lentšu, “eupša Lentšu le lengwe le le lengwe le le tšwelego molomong wa Modimo.”

¹⁹² Yena, go beng moprofeta, o be a tla bona selo se ka go rena. Ka . . . Amose o be a le moprofeta.

¹⁹³ Bjale ke ya go tswalela, mo motsotsong, eupša ke nyaka go dira ditshwao tše ge nka kgona. Ke tla e bolela, gomme Moya wo Mokgethwa o swanetše go e dira e kgomarele. Ke nyaka go le botšiša se sengwe.

¹⁹⁴ Ge Amose a ka tla fa bošegong bjo gomme a eme go sefala se, ge a ka ba a sepeletše godimo le tlase mekgotheng ya Phoenix, o be tla bona ka go rena lehono, ka go taba ya rena ya bosetšhaba, ka go lefase la rena la kereke, o be a tla bona sona selo se a se bonego ka Samaria: e filwe ka moka go maitshwarohlephi, go tloga go Lentšu la Modimo. O be a tla bona sehlopha sa bodumedi kudu. Ba be ba le, yo mongwe le yo mongwe wa bona, Baisraele. Eupša o be a tla bona ma—ma maitshwarohlephi, maitshwarohlephi. O be a tla bona—o be a tla bona go bola ga leago le maitshwarohlephi magareng ga batho. O be a tla bona go bola ga maitshwarohlephi magareng, mo setšhabeng. O be a tla bona go bola ga maitshwarohlephi go tloga go Lentšu. O be a tla bona bootswa ka kerekeng. Ga ke re . . . Ya, bobedi; nameng, gomme o be a tla bona bootswa bja semoya. Ka fao ba tla bego ba tsea dithutotumelo tša motho ntle fa, bjalo ka dithutotumelo tša motho, le go ba amogela sebakeng sa Lentšu, seo se dira bootswa bja semoya kgahlanong le Modimo. Kutollo 17 e bolela bjalo, gore bona, seotswa se, se dirile sebe, gobane, “Ka makgapa a gagwe o dirile lefase go nwa beine ya bogale bja gagwe.” Ee. Re a bona go tla fapana ka go felela. O be a tla e bona, go bola ga maitshwarohlephi.

¹⁹⁵ Amose ga se nke a bea mmušo molato, go le bjalo. Theetšang. Amose ga se nke a bea mmušo molato, ka go Lengwalo la gagwe lohle. Eupša o beile batho molato bakeng sa go kgetha mmušo wo mobjalo. Oo, nka kgona . . .

¹⁹⁶ A le lapile? [Phuthego e re, “Aowa.”—Mor.] Gabotse, nno swarelelang feela motsotso. Le a bona?

¹⁹⁷ Le se beeng mmušo wa lena molato. Mmušo ga o kgone go aga ntlo godimo ga leswika mola batho ba boutela lešabašaba. Batho ba a le nyaka.

¹⁹⁸ Gomme makga a mantši ke bolela dilo ka phuluphithing, ge ke tseba baena ba ka ba dutše ntle kua, badiredi, banna ba go loka. Ke bolela le bona, ke ba tliša khoneng. Gomme ke mošomo wa ka, go tseba dilo tše, go botša baena ba ka. Gomme ke bolela le bona. Ba re, “Ngwanešu Branham, re a tseba o a rereša, eupša kereke ya ka e tla ngala.” Le a bona? Le a bona? Ke se o se nyakago. [Ga go selo go theipi—Mor.] Le a bona? O ka se kgone. Ke batho.

¹⁹⁹ Bjale, ge le nagana nka kgona go thoma moago tlase fa mo mokgotheng le go rekiša, bahumagadi lehono, tšela tša fešene ya kgale, bogodimo bja godimo, dieta tša lešira? Ka kgonagalo di ne mokgopho wo montši ka go tšona go feta—go feta lebenkele ka moka le tletše le nago lehono, para e tee. Eupša ge ke di rekiša bakeng sa disente tše masometlhano ka para, ke tla hwa ka tlala. Gobaneng? Ga le di nyake.

²⁰⁰ Ge ke rekišitše tšela tša fešene ya kgale, dikhethet tša Mme Hubbard go basadi lehono, le nagana ba tla di reka? Ka kgonthe aowa. Ba nyaka se sengwe seo ba ka go itšhela bonabeng ka go sona, seo se bonalago eke letlalo godimo ga lefego. Ba—ba no nyaka go swinelela kudu. Ba sepela go theoga mokgotha, e ka ba digrata tše nne goba tše tlhano tša go fapana, ba kgoromeeditšwe ka gare, ba kgoromeeditšwe ntłe, le go katanelo morago go para ya direthe, hlogo ya bona e tšwetše ntłe. Seo ke, ga ke re seo bakeng sa motlae. Le ga se lefelo la motlae. Eupša yeo ke therešo. Ga ke na le thuto ye botse. Yeo ke tsela e nnoši nka kgonago go dira lentšu la ka, go tseba, le tseba se ke bolelagó ka sona. Le a bona? Bjale, ke therešo. Ba ka se reke tšona diroko.

²⁰¹ Bošegong bjo bongwe mo sefaleng, mosadi yo monnyane wa Moindia o tla godimo fale. Ke nyakile go šikinya seatla sa gagwe se sennyane. Godimo ka kerekeng ya Ngwanešu Groomer, goba e ka ba kae. O be a apere roko boka mme wa ka a e apere. Ke naganne, “Gabotse, šegofatša pelo ya gago, mohumagadi.” Gomme Morena o mo fodišitše thwi fale, pele ebile a fihla go nna. O... Le a bona? Ke naganne, “Bokaone ke—ke—ke no homola.” Le a bona? “E no leta go fihla tiragalo e etla, nako ye nngwe.” Le a bona? Gomme e be e le fao.

²⁰² Gabotse, o ka se rekiše diroko tšela. O ka no di rekiša go Moindia, gomme e sego bontši kudu bja bona. Ba no ba go hlephá bjalo ka ka moka ga bona. Le na le mananeo a mantši kudu a thelebišene. Gomme bana ba lena ba tšwela ka ntłe, gomme ba bangwe ba ba sebjalebjale, ba bašweu, barutiši ba sekolo ba etla ka gare, le tšohle ditšiebadimo tše dingwe tše. Le tla ba kaonana kudu, le be le le morago ntłe mošola boka Sitting Bull le bona ba bile, nako ye telele ya go feta.

²⁰³ Ka Afrika, ge re be re na le morafe wa makhalate fale, ba dira eng? Ba ya godimo kua, bona baromiwa, ba a bala, ba a ngwala, le dipalo. Ge a... Gobaneng, ba, ba tseba kudu ka maitswaro, ka merafeng ya bona, go feta o ka tsoge wa kgona, Bokriste bo ka tsoge bja tliša go bona. Yeo ke nnete. Ge e ka ba ofe wa basadi bale ntłe fale, ge yena ka go morafe wa Mazulu, ge a leta go lebaka le rilego go nyalwa, gomme a se ke, yo mongwe ga se a mo tše go ba mosadimogatša, o swanetše go tšwela ka ntłe ga fale. Ga a sa le wa moloko. Aowa, mohlomphegi. Gomme ge a nyetšwe, o lekolwa bokgarebe bja gagwe. Gomme ge a ka hwetšwa molato,

o swanetše go bolela monna yo a e dirilego, gomme bobedi ba bolawa, mmogo.

²⁰⁴ Go ka ba go bolaya mo gontši ge re be re na le mohuta woo wa peakanyo. A ga le nagane? Yeo ke nnete. Ba be ba ka se kgone go ba le baboloki ba go lekanela go boloka banna le basadi. Nnete. “Eupša le hwile, go le bjalo, gomme ga le e tsebe.” Kafao bjoo ke bothata bja bjona. Le a bona? Eupša bjale, bontši kudu, yeo ke nnete.

²⁰⁵ Gona o dira eng? Ba ba iša godimo fale le go ba ruta sekolo. Morago o ba hwetša mo mokgotheng. Ba be ba na le dibe tša bona beng tša setšhaba, tše ba bego ba na le tšona; gomme ba tla ka gare, ba tsea dibe tša monna yo mošweu; gomme ka gona ke bana ba hele makga a lesome ka bontši ba go feta se ba bego ba le go thoma. Selo se nnoši ba se hlokago ke Kriste, go dula moo ba lego. Nnete.

²⁰⁶ Yeo ke tsela ka Moindia wa rena wa Amerika. E ka ba mang ke mo kwelago bohloko, ka setšhabeng se, ke Moindia yola. Kgonthé ke bile le kwano ye mpe go tšwa go yona! Ga ke... Ke no ba motho o tee, eupša ke eme le bona. Ee, mohlomphegi. Ge Morena a ka tsoge a mpitša go tšwa mašemong, ka go šoma ka mokgwa wo, gomme molaetša wa ka o fedile; O ntirile ke phele boteletšana bjo bo itšego, ke ya go Maindia. Ee, mohlomphegi. Ee, mohlomphegi. Nna!

²⁰⁷ Re bona se Amose a bego a tla se dira ge a goleditše. Tshepedišo ka moka ya rena e tla ahlolwa. Ka kgonthé aowa...

²⁰⁸ Mmušo ga o kgone go aga (tshwao ya ka e be e le) godimo ga leswika, mola setšhaba se boutela lešabašaba.

²⁰⁹ O ya go aga bjang kereke ya gago godimo ga Leswika? Moreri o tla tsoge a ema bjang ka phuluphithing le go rera Leswika, le go e aga godimo ga metheo ya Ebangedi ya go tlala, ge batheeletsi ba gagwe, ba bangwe ba batho ba gagwe ntle kua, ba tla mmea ntle? Bjale, ke bea moreri molato bakeng sa go se be le sebete, le Moya wa Modimo, ka go no tswalela mojako, a re, “Hwetšang yo mongwe gape a tla emelago dilo tšeogomme e sego nna.” Ke—ke thabela moreri yoo a tla dirago seo.

²¹⁰ Eupša madimabe go phuthego yela ge monna yo a tloditšwego wa Modimo a leka go ba tlišetša Lentšu, gomme ka gona ba ka se be mothalong le Lona. Yeo ke nnete. O ya go ba bjang le kereke yeo dimpho tšohle tše senyane di šomago ka go yona, le go ya pele, le gona, bona le seo, gomme kereke ebile e ka se—le go phela gabotse le maitshwaro, ba ka se ithute boABC ba bona ba Ebangedi? Gona o re, “Ge nkabe ke bile le moreri yo mokaonana!” Gobaneng, ke phošo ya gago. Yeo ke nnete.

²¹¹ Ke phošo ya setšhaba sa rena, Maamerika a rena, gore re tle godimo fa bakeng sa tokologo ya bodumedi. Go tloga go eng? Gomme re ya thwi morago, le go bea ka go motsemošate wa rena sona selo seo re bego re etla godimo fa lokologa go sona.

²¹² Setšhaba se ka moka se bontši boka Israele. Bona, Israele, ba ttile ka Palestina, ba leleketsé badudi ntle gomme ba tšere naga. Sa pele, ba bile le ba go loka—ba go loka, banna godimo ga bona. Ba bile le Dafida, le Salomo, le banna ba bagolo. Mafelelong, ka morago ga lebakana, ba tšwetšepele ba boutela ka gare, le go kgoromeletša ka gare, le go kgethelaka gare, go fihla ba hwetša Ahaba tlase kua, yo a nyetšego mohetene. Bjale, Ahaba e be e le moisa yo mobotse. Wa gagwe... Oo, o—o be a nyaka go dira gabotse, eupša o be a ka se kgone go dira gabotse, bakeng sa mosadi yola wa gagwe.

²¹³ Bjale, ga ke selo kgahlanong le monna yo ke bego ke bolela ka yena metsotso e se mekae ya go feta. A ka no ba monna wa go loka. Eupša ke tshepedišo yela ya mmalegogwana ka morago ga gagwe, yeo e retollago molala wa gagwe. Seo ke selo se yago go e dira. Go tla ka gare ka mokgwa feela ga bonolo ka mo a kgonago, ka mokgwa woo, le go phadimiša selo sohle fase.

²¹⁴ A le tsebile re—re bjale... Sekoloto sa rena sa bosetšhaba ke se segolo kudu, go fihla ge re lefa ka tšhelete ye e adingwago, go tšwa go metšhelo ye re tla e hwetšago mengwaga ye lesomenne go tloga lehono. Go ya go direga eng ge tshepedišo ye e pšatlega?

²¹⁵ Castro, nnete, ke kgahlanong le yena. Ke lekomonisi. Nnete. Ke kgahlanong le yena. Eupša o dirile selo se sebotse ge a fetotše tšhelete gomme a romela gauta morago, o rekile diponte le go romela gauta morago.

²¹⁶ Re tla swanela go dira seo, goba go na le selo se tee se kgomareditšwe ka sefahlegong sa rena, ke gore, kereke ya Katoliki ke mong wa lehumo la lefase. O na le tšhelete. O na le gauta, go reka diponte tša rena morago gape. Seo ke tlwa. Gomme le nagana bagwebi ba wisiki, le bagwebi ba motšoko, le batho ba bagolo ba naga ba ka se rekiše, go tlogela go lahlegelwa ke kgwebo ya bona yohle le go lwantšha tšhelete? Ba tla ya thwi morago le go tšea tšhelete yela go tšwa go kereke ya Katoliki, gomme morago o rekištšwe. Nnete. A Beibele ga e bolelepele gore, “Lehumo la lefase”? Ga se nna radipolitiki, le ge e le monna wa setswerere, eupša ke leboga Morena ke a Mo tseba. Gomme yeo ke nnete. Fao ke mo a yago go robala, thwi fao. O a e šetša. O šetša le go bona ge seo e se nnete. Feel... Ke a holofela bohle re phela go e bona, gomme ga ke nagane re tla swanela go phela botelele kudu.

²¹⁷ Eupša o ya go dira bjang? Re ya go aga kereke bjang? Re ya go aga setšhaba bjang? Re ya go aga setšhaba bjang godimo ga se bjale? Re ya go dira eng ka yona?

²¹⁸ Mohlomongwe bokaone ke homole, go ya felotsoko gape. Eupša, le a tseba, ke boletsé go lekanelo go fihla le tseba se ke bolelago ka sona. Le a bona? Le tseba se ke se rago.

²¹⁹ Lebelelang se re se nyakago. Lena, le bona se le se nyakago? Seo ke se le se hwetšago. Tšeо ke ditlhologelo tša lena.

²²⁰ Lebelelang mananeo a rena a thelebišene lehono, a go se hlokolwe. Go be go fela, go be go le phošo go bana ba rena, re be re ka se ba dumelele go ya tlase ka go to—to toropokgolo le go bona dipaeskopo, di—di dipontšho tša diswantšho. Eupša bjale diabolo o retolotše seo thwi morago go dikologa le—le go e dira thelebišene, le go e bea ka ntlong ye nngwe le ye nngwe.

²²¹ Gomme seo se tla loka, thelebišene e lokile, ge o na le selo sa maleba go yona. Ka kgonthé, ke yona.

²²² Eupša o dira eng? Go bolabodi ka iri, go šomiša leina la Modimo, go rogana, go hlapaola, basadi ba go ponoka, ditiro tša go hloka maitshwaro, tše di gobatšago monagano wa bana ba, go fihla re godišitše sehlopha sa ditseketseke, yeo ke nnete, dikebekwa. Ke therešo tlwa. Le wena o ka no e lebelela.

²²³ Setšhaba sohle sa rena se fetoga sehlopha sa dikebekwa. Mošemane mang kapa mang a sepelago go dikologa ka makrusepane a gagwe a lekeletše go tloga mathekeng a gagwe, gomme hlogo e lekeletše morago, gomme moriri wa gagwe o lekeletše go theoga molala wa gagwe boka mokoto wa moriri wa Mdi. Kennedy, le go ya go dikologa ka mokgwa woo, bjalo ka sekebekwa, gomme morago ba bitša yoo Moamerika? O wele go tloga go mogau. Sokologa gomme boela morago go Modimo, goba o tla senyega. Leo ke lebaka, re—re nyaka go hwetša yo mongwe ka fa yoo a tla re dumelago go dira e ka ba eng re nyakago. Yeo ke nnete.

²²⁴ Yeo ke tsela ka dikereke. Ba nyaka go kgetha modiša, e sego modiša yo a tla emago kua le go itia Ebangedi go bona. Eupša ba nyaka yo mongwe yo a tla ba dumelago ba itaramolle bonabeng ka go sutu ya go thutha, le go bapala panko ka lebatong la ka tlase, le go phela ka tsela e ka ba efe ba nyakago, mananeo a thelebišene a go se hlokolwe a seyalemoya, a go selekiša le tšhila, go tšoena kereke le lefase mmogo.

²²⁵ Ga go makatše Amose o tla goeletša kgahlanong le selo seo. Le nagana batho ba be ba tla mo amogela ge ba boutela selo thwi ka gare?

²²⁶ Ge modiša a rera godimo ga metsotso ye masomepedi, poto ya bahlokamelaphahlo e mmiletša godimo ka kamoreng le go re, “Lebelela fa, modiša. Ga—ga se re go tliše fa go dira se sengwe boka seo. Re na le lenaneo la metsotso ye masomepedi. Ge leo le fedile, mo lese a sepele.”

²²⁷ Se a nyakago go se dira ke go ragela sehlopha sela sa bahlokamelaphahlo ka ntle ga mojako, le go tše Beibele le go rera bošego bjhohle, boka Paulo a dirile, le go bona tsogo ya bahu. Tlwa. Ba mmeile ka ntle ga moago; khona ya mokgotha e lokile. “Modimo o kgona ka matlapa a . . .”

²²⁸ Thelebišene, e sego ya hlokolwa dipontšho tša diswantšho, tšhila, ditšhila, le go dira mohlala. Lebelelang digitlane tša rena tše nnyane lehono. Lebelelang basetsana ba rena. Bonang baisa

ba bannyane nthathana ba etla go tšwa sekolong, ba sego ka godimo ga mengwaga ye tshela ka bokgale, šupa, seswai, ba gotetša disekerete. Ka baka la eng e le yona? Mmago bona pele ga bona go molaleng o e dirile. Ge ba se ba e dira, gona ba bangwe ba digotlane ba amanago le bona. Šetšang digotlane tša lena di bapala le mang. Nnete. Fa yo mongwe . . .

²²⁹ Nako ye nngwe ya go feta, mosadimogatša o a e tseba, re be re dutše tafoleng. Gomme Joseph wa ka yo monnyane o ntšhitše lentšu leo le tla dirago mosesiši wa setagwa a lewe ke dihlong yenamong. Ke retologile go dikologa. Ke rile, “Ke eng seo?” Gomme mme o nyakile go idibala. Moisa yo monnyane o bonagetše go hloka molato.

²³⁰ O rile, “Bothata ke eng, papa?” Le megokgo ye megolo mahlong a gagwe.

²³¹ Ke rile, “O se tsoge wa bolela selo boka seo.” O be a sa tsebe se e bego e le mabapi le sona. Go tla go hwetša, bana sekolong ba be ba šomiša lentšu lela la ditšhila. Ke rile, “Hani, yoo ke sa diabolo.”

²³² Le a bona, ke lena bao, digotlane tša lena. E nno ya ka lefelong, ngwanešu, go fihla e no ba mpša ya go ja mpša, tlhakahlakano ye bjalo ya sebe. Oo, nna! Mananeo a thelebišene, ba go rata sebe, ba go rata maipshino! Oo, nna!

²³³ “Metsotsø ye masomepedi ke botelele go lekanelo. Ke swanetše go bona pontšho ya bošego.” Le a bona? “Itlhaganele gomme o ntšhetše se ka ntle ga fa. Ke swanetše go e dira.” Le a bona? Ba dirile bodumedi bja bona. Ba ile tlase fale, gomme seo se lekanetše.

²³⁴ Eupša, ke a le botša, monna wa kgontho goba mosadi yo a tswetšwego ke Moya wa Modimo o tla dula iri ka morago ga iri, go nwa ka go Lentšu la Modimo. E sego feela seo, eupša ge le itia kua, le a kgwaparetša le go fetola bophelo. Amene. Ee.

²³⁵ Ke ditlhologelo tša batho ba rena. Peakanyo ya rena ka moka e senyegile le go bola. Ke dinyakwa tša batho ba rena.

²³⁶ O tšeа monna wa go loka, wa re, go swana le monna wa go loka, wa mmea ka lapeng leo e lego sehlopha sa baratamaipshino, ba tla hlahlela monna yola bophelong bja mpša; goba, mosadi wa go loka, yo motee wa bona, wa ba bea ka lapeng le le hlakahlakanego. Gobaneng, lapa ka moka le swanetše go ineela go Modimo. Ke taba ya rena go rapela, go fihla bana ba rena ba pholoswa, go boloka ngwako wa rena ka lenaneo. Ya.

²³⁷ Re se sengwe boka Israele e dirile, yeo e dirilego segwera le manaba a bona. Sa pele, ba ile ba swanelo go ya kgole le Lentšu pele ba ka kgona go dira seo. Gomme go no ya go bontšha ke bokgole bjo bokae Amerika e ilego kgole go tloga go Lentšu.

²³⁸ Le a tseba, o—o swanetše go gana therešo pele o ka kgona go dumela maaka. Yeo ke nnete. Seo ke tlwa. Efa pele o ile a swanela go gana Lentšu la Modimo pele a ka tsea maaka a Sathane. Ba ile ba swanela go ya kgole le Lentšu nako yeo, go swana bjale, go dumelela Roma go tsea taolo ntle le go thuntšha kolo. Ga ba tsebe Lentšu la Modimo ka dilo tše. Bjoo ke bjo e lego bothata ka bjona.

²³⁹ Re hloka go tsoga ga moprofeta wa therešo, go re tliša morago go Lentšu. Yeo ke nnete. Re tshepišitšwe yo motee. Re tshepišitšwe yoo. Ee, ka nnete. Maleaki 4 e rile o tla dira. “Gomme o tla bušetša Tumelo ya batho morago go bona botate ba pentecostal gape.”

²⁴⁰ Amose o tsebile gore baratiwa ba Israele ba go hloka modimo letšatši le lengwe ba tla mo fedisa. Bjale a nke ke bolele se ka tlhomphokgolo. Kafao modumedi lehono o a tseba gore lefase, baratiwa ba ba Amerika ba go hloka modimo, ba ya go mo fedisa. Lerato la gago la dipolitiki! Ke tla no dumelela seo go kgwparetša motsotso. Seo se tla senya setšhaba. Gomme lerato la lena la lefase, le sa tle godimo le Lentšu le go leka go dira se se lokilego, le tla senya kereke. Yeo ke nnete tlwa. Ke a holofela e ile. Kereke e Mo tlogetše, e tlogetše Lentšu la Gagwe la Bophelo. Lefase ka moka le thetšwa go yona, bjalo ka kotanaštiši. Ba dira selo sa go swana lehono. Ee. Ge Amose a ka be a le fa, o be a tla goeletša kgahlanong le tshepedišo ka moka.

²⁴¹ Bjale, go tswaleleng, ke nyaka go bolela se, go temana ya 8. Theetšang sekgauswi. O rile, “Ge tau e rora, ke mang eupša a ka boifago ge tau e rora?”

²⁴² Gomme ke tsomile ditau. Tau ke kgoši ya diphoofolo. Ka Afrika ke robetše ntle kua maganateng ao, ka nako ya bošego, ka tlase ga bjang bjo bonnyane bjola, goba e be e le diloka.

²⁴³ Tau e tla taboga thwi ka sefahlegong sa sethunya sa go thunya. Ga a boife seo, eupša a ka se ye kgauswi le mootlwa. Le kwele nonwane. Eupša, yeo ke therešo, tau e ka se ye kgauswi le mootlwa. Ba aga dintlo tša meetlwa ka mokgwa woo, gomme tau e ka se tabogele kgahlanong le yona. Go sego bjalo, a ka kgona go hwetša, a tla thwi pele ka gare.

²⁴⁴ Billy le nna. Ke elelwak e robotše ntle kua bošego bjo bongwe, le go kwa molomo wa gagwe wo mogolo wa kgale o thwathwaša thwi go dikologa, bokgole bjoo go tloga hlogong ya ka, le a bona, eupša o—o be a ka se ye kgauswi. Borofa bja gagwe bjo bogolo bja kgale, e ka ba ka mokgwa woo, a sepela go dikologa mobung.

²⁴⁵ Gomme le kgona go kwa se sengwe le se sengwe go tšwa diphiri, phiri ya go sega, phiri ya go lla, gomme—gomme di—di a goeleta. Gomme—gomme o kwa ditšhwene, dikgabo, le—le dithutlwa, le ditlou ka ka tšona go tswinya go gogolo le “wee.” O kgona go dikwa sethakgo se segolo. Gomme dikhunkhwane le dikhukhunyane tša mehuta yohle di dira mašata a tšona. Eupša

a nke tau e rore kgolekgole, ebile le dikhunkhwane di tlogela go goeletša. Di a theetša. Gobaneng? Ke kgoši ya tšona. Di a e theetša.

²⁴⁶ Beibele e rile, “Ge Modimo . . . Ge tau e rora, ke mang a ka se boifego? Gomme ge Modimo a bolela, re ka kgona bjang go tlogela go profeta?” Re ka kgona bjang go e tlogela? Ge Modimo a bolela, moprofeta o goelela Lentšu le le boletšwego. Gomme ge E le Lentšu la Modimo . . .

²⁴⁷ Gomme tau e a rora; dikhunkhwane, se sengwe le se sengwe, se a homola, gobane di a tšhoga. Kgoši ya tšona—ya tšona—ya tšona e—e a bolela. Di na le se—se sekwi go lekanelo, sebete, le tlhompho go lekanelo, go hlompha kgoši ya tšona ge a bolela.

²⁴⁸ Kafao, Modimo o bolela ka Lentšu la Gagwe, gomme a nke sebopša se sengwe le se sengwe sa tlholo ya Gagwe se ele šedi. O a bolela mo matšatšing a a mafelelo. O bea Lentšu la Gagwe pele. Gomme a nke sebopša se sengwe le se sengwe seo e lego sa Mmušo wa Gagwe se ele šedi go se A se bolelago. Ema. Hlodisiša. O a rora bjale, o rora ka Lentšu la Gagwe le le hlatsetšwego. O itira ka Boyena go tsebjia. Ge A rora ka go matšatši a a mafelelo, a re elen šedi, le go tseba gore go ne se sengwe se lokelago go direga, go tsebeng gore Modimo ga a ke a dira seo ntle le pele A rore. Ge A rorela pele, gona se sengwe se latela mororo wola, ee, gobane O tla pele nako yeo.

²⁴⁹ O rile, “A ta—ta . . . A tau e a rora bjale ntle le lebaka? A tau ye ledumaedi e a lla, go tšwa ka leweng, pele e swara e ka ba eng?” Le a bona?

²⁵⁰ Modimo o na le lebaka la go rora, gobane O a tseba gore kahlolo e batametše. Gomme, Lentšu la Gagwe, Lentšu la Gagwe ke moprofeta. Ke Yena. “Le ke seprofeto sa Jesu Kriste.” Ke kutollo, Modimo o ikutolla Yenamong go rena ka Lentšu la Gagwe le le ngwadilwego. Gomme Yena ke Lentšu. Gomme, bjale, le ke Lentšu la Gagwe. Ga go selo se ka oketšwago go Lona goba go tšewa go tloga go Lona, eupša Le swanetše go phelwa le go otollwa feela ka tsela ye Le lego. Ga re leke, go tšea e ka ba eng go tšwa go Lona goba go oketša e ka ba eng go Lona. Modimo o sa le Modimo. O a rora.

²⁵¹ O rile, “Bjalo ka ge go bile bjalo matšatšing a Noage, ka fao go tla ba bjalo ka go Tleng ga Morwa motho. Ba be ba eja, ba enwa, ba nyala, ba nyadiša, maitshwarohlephi.”

²⁵² “Gomme bjalo ka ge go bile ka matšatšing a Loto,” O tlide ka Boyena ka mmeleng wa nama, gomme a itlhatsela ka Boyena go ba fao go Abraham. A re, “Ka fao go tla ba bjalo ka go tleng ga Morwa wa motho.” Šetšang bakeng sa dilo tše. Dietša tša mantšiboa di a phadima.

²⁵³ Oo, ge nkabe re bile le Amose mo go lefelotiragalo lehono, a nke a rorele pele, o be a tla thuthupiša ditshepedišo tša rena le

metlwae ya rena, gomme Lentšu la Modimo le be le tla namela wa go fenza.

A re rapeleng.

²⁵⁴ Tate wa Legodimong, bolela gape. Rorela pele, Morena, ka Moya wo Mokgethwa. Ke Yena Moprefeta wa iri. Ke Yena Moprefeta wa letšatši, a leka go hwetša tsela ya Gagwe ka dipelong tša banua le basadi, gore A kgone go bolela Therešo. Ke thabile kudu gore O hwetša ba bangwe. Ke a rapela, Tate wa Legodimong, gore O tla hwetša ba bantši ka fa bošegong bjo, gore A kgone go šomiša yo mongwe yoo a lego komana go ba tlhomphokgolo. Ge ba ekwa mororo wa ramaatlakamoka Modimo a eya pele ka Lentšu la Gagwe, kahlolo e batametše.

²⁵⁵ Ge tau e rora, o tla pele. Sebopiwa se sengwe le se sengwe—se sengwe le se sengwe se a tseba bokaone o tla utama, gobane kgoši o sepelela pele.

²⁵⁶ Modimo, re na le lefelo le tee feela la polokego, ge Kgoši ya dikgoši e rora, ao ke Madi a Jesu Kriste. Re na le lefelo la polokego. Ke a rapela, Tate wa Magodimong, gore O tla bolela le dipelo bošegong bjo. Gomme a nke ba tsebe gore ba phela meriting ya go Tla ga Kriste, ge ditšhaba di šwalalana, gomme dilo di a kgatlampana, tša se di lego. Gomme, efela, ka go kgaogelo ya Gago ye bonolo . . .

²⁵⁷ Re dirile sebe kudu bjalo, go bonala o ka re O tla retolla magetla a Gago go tloga go rena, gomme wa re lesa ra tloga. Eupša, go le bjalo, bjalo ka ge O be o le morago kua ka Edene, O dira tsela ya go phonyokga. O diretše Noage tsela ya go phonyokga. O diretše Moshe ye tee, le Daniele, bana ba Bahebere. Wena, kgafetšakgafetša O dira tsela. Gomme bao ba E hwetšago, ba sepela ka Seetšeng sa Modimo gomme ba ba le Bophelo. Bao ba E gannego, ba ahlotšwe gomme ba lahlilwe.

²⁵⁸ Ke a rapela, Tate wa Magodimong, go ka se be le o tee wa bao ka mo bošegong bjo, yo a lahlelwago kgole. A nke ka bose ba kwe go rora ga Modimo, Moya wo Mokgethwa o bolela tlase ka dipelong tša bona, le go re, "Yo ke Nna. Se boife. Ke Nna." Ka gore re e kgopela ka Leina la Jesu. Amene.

²⁵⁹ Ke ya go swara pitšo ya aletara lebaka la e ka ba metsotso ye lesome. Ke thari gannyane. Eupša ke a dumela Billy o fa ntle dikarata tša thapelo mašego a mmalwa a go feta, goba se sengwe gape, godimo ga Ngwanešu Groomer. Gomme ke nagana o be a di fa bošegong bja go feta. Ga se nke ka tsoge ka di bitša. Ga ke . . . Ke a thanka o di file gape bošegong bjo. Ga ke tsebe ge eba o dirile goba aowa, eupša a re bitšeng tše dingwe tša dikarata tše. A Ngwanešu Groomer o gona? Groomer? Aowa, aowa. Groomer. A o mo? Re thomile kae? Go thoma go nomoro . . . A ga se ra thoma go tloga go nomoro tee, godimo kua?

²⁶⁰ Bošegong bja go feta, ga se re be le dikarata tša thapelo. Re . . . Moya wo Mokgethwa o nno ya thwi ntla go kgabola

batheeletši le go bitša batho. A le rata seo? [Phuthego e re, "Amene."—Mor.] Ke a dira, le nna. Gomme go rera thata ka mokgwa wo, gore mohlomongwe ke a kgokgona gannyane go yona.

²⁶¹ Ke—ke file batho karata ya thapelo, ke a tlamega go rapelela motho yoo. Seo ke ka moka. Ge re se ne tlhatho e ka ba efe, yeo e lokile. Eupša ke tlamegile go rapelela motho. Morwa wa ka o fa karata ya thapelo, ke—ke swanetše go rapelela motho yoo. Yeo ke phetho. Kafao, ke—ke ikwela ka tsela yeo. Ke tla e dira, Modimo a nthuša. Pele ke tlogela naga mo, ke tla—ke tla dira seo.

²⁶² Bjale, re ka se kgone go tsea botelele kudu. A re boneng, re thomile go tloga go tee go ya go masomepedi tlhano, ke a dumela e be e le, bošegong bjoo. Ya, tee go ya go masomepeditlhano. Ke... Ngwanešu Groomer, a o gona? Ngwanešu Groomer? Ga ke bitše yeo gabotse. Eupša ke nagana yeo ke nnete. Tee...

²⁶³ Gabotse, a re thomeng godimo felotsoko gape bošegong bjo. A re thomeng, a re thomeng go tloga go masomešupa tlhano, gona, go fihla go lekgolo le tee. Ke mang a nago karata ya thapelo nomoro masomešupa tlhano, phagamisa seatla sa gago. A re boneng ge eba... Gabotse, yeo ke nnete. Yeo e lokile. Go lokile, etla godimo fa, mohumagadi. Masomešupa tlhano, masomešupa nne, masomešupa... feela masomešupa tlhano. Bjale masomešupa tshela, masomešupa šupa, masomešupa seswai, masomešupa senyane, masomeseswai, masomeseswai tee, masomeseswai pedi, masomeseswai tharo, masomeseswai nne, masomeseswai tlhano, masomeseswai tshela, masomeseswai šupa, masomeseswai seswai, pele go ya go lekgolo. A nke ba tle fa. Billy Paul o kae? Ntshwareleng. Go lokile. Hwetša, eya tlase kua. A nke diašara tsoko di mo thuše go fihla ba tsena ka mothalong wa thapelo.

²⁶⁴ Bjale, ka moka ga lena, lebelelang go nna motsotsso feela. Ya. A le a Mo rata? A re nong ka boleta, ka bose go opela, motsotsso feela, ge ba bangwe ba lena banešu ba go ratega le eya tlase kua. Oo, ke a leboga. Ba na le tšona, tlase kua, kafao ba... Kafao methalo e ka se hlakahlakane. Ke nyaka go rapelela batho ba. Gona, gosasa, ka kgonagalo re tla be re rapelela balwetši feela go swana, le pele le pele, go fihla khonferense e thoma. Gomme ke...

²⁶⁵ Mohlomongwe Ngwanešu Roberts a ka no ba le mothalo wa thapelo godimo kua, le yena, godimo ka—ka lefelong. Ke be ke nagana mohlomongwe bobedi bja rena re ne e tee mmogo, e tee ka lehlakoreng le tee, gomme e tee ka go le lengwe. Eupša ga—ga ke tsebe ge eba o tla rata seo goba aowa. Ga se ka bolela le yena, gomme bokaonana ke bolele le yena pele, le a bona. Ngwanešu Oral ke ngwanešu yo mokaone, ke mohlanka wa kgontha wa Kriste. Gomme o tla be a kokobetše go lekanelo go e dira, eupša ke no ba mohuta wa go hloya go itahlela nnamong ka

fale le monna boka yola, le a bona. Kafao ke no mohlomongwe bokaonana ke e tlogele e nnoši. Gabotse, ge a ka mpotša, ge a ka nkgopela, “Ngwanešu Branham, etla o nthuše,” ke tla—ke tla thaba go dira seo. Eupša, bjale, o kokobetše le ngwanešu yo mobose kudu. Gomme ge a ka nkgopela go e dira, ke, mnene, ke tla e dira. Eupša ke tla nyaka a nkgopele, pele, le a bona. Bokaonana ke se bolele selo ka yona. Le se ke la e bolela go yena, bjale. Feela a nke—a nke a nkgopele, ka gona ke a tseba ka go lokile. Le a bona?

²⁶⁶ Eupša bjale—bjale re ya go bona. Ke ba bakae ba tšeago... Gabotse, bjale, a re boneng. Ke dikarata tše kae tša thapelo di lego ka moagong? A re boneng diatla tša lena. Oo, go ne di se kae bontši, mohlomongwe masometlhano bontši. Masomenne, masometlhano gape, mohlomongwe. Oo, ya, mohlomongwe masometharo gape. Go lokile. Bjale re tla hwetša—re tla hwetša...

²⁶⁷ Re ya go di hwetša. Bjale re... E no swara karata ya gago, ge o se wa bitšwa. Le a bona, ke metsotso ye lesome ka morago ga lesome, gomme ke—ke nyaka le be ka sekolong sa Lamorena mosong. Gomme mohlomongwe gosasa, go ba le ditirelo tše pedi, re ka no hwetša gabotse go nyakile dikarata tšohle re nago le tšona nako yeo, gomme ka gona—ka gona thomang ka boswa bakeng sa Mošupologo gape.

²⁶⁸ Re mo kae Mošupologo bošego? Oo, re tlase, e re, ka Tucson. Le se lebale go tla tlase Tucson bjale, go khonferense tlase kua. E ka ba mang fa go tšwa Tucson? Ya. Kgonthé. Lefelo la serapa sa lefase, ka kgonthé, o swanetše go be o etšwa fale. Ngwanešu Carl Williams o ya go šala morago ga ka bakeng sa seo, a mangwe a matšatši a. Ge la mathomo ke etla mo, di be di le ditoropokgolo tša go phadišana, gomme ke a bona di sa le.

²⁶⁹ Ke tlwaetše seo. Kgwele ya rena, peisepolo, goba sehlopha sa paseketepolo kua gae, tšona ditoropokgolo tša go phadišana, Jeffersonville le New Albany, oo, nna, nna, nna! Fše! Ka mehla go bošego ga go sehlopha se segolo sa dintwa, ge ba na le papadi, gona ga ke tsebe moo e ka tsogego ya ba gona.

²⁷⁰ Ba go yona kgafetšakgafetša, ke a tseba, ka Tucson. Eupša Phoenix e godile go feta Tucson makga a mantši, ke a dumela, gobane ke... Tucson, ga ke nagane ke bogolo bja tee tharong bja Phoenix. Eupša...

²⁷¹ Re ya tlase fale, gobane ba ne ba bangwe ba go loka, batho ba bakgethwa tlase fale, ke ne kgonthé. Mogohle ke ilego ka lefaseng, thwi ka dithokgweng tša Afrika, ke sa ba hwetša. Oo, nna! Ke duma ge nka kgona go dira mosadimogatša wa ka go tla godimo mo le go le opelela pina yela bošego bjo bongwe, “Ba tšwa Bohlabela le Bodikela, go tšwa dinageng tša kgole.” Bjale, o tla emeleta le go ngwegela ntle ge ke boletše seo.

²⁷² Kafao, o tšhogile go iša lehung ka Ngwanešu Rose. Ngwanešu Rose o rile, “Kgaetšedi Branham o mo. Re tla ba le yena a tle godimo, a bolela lentšu.”

²⁷³ O rile, “Pelo ya ka e tabogile go ka ba metabogo ye lesomethano.” O rile, “Ke hunyeditše hlogo ya ka fase.” A re, “Bill, ge a kile a ba kae kapa kae ka kopanong,” a re, “ka nnete ke ya go utama.” O morago ka kgonthe. Kafao, ke—ke—ke kwa go tšwa go ye ge ke fihla gae.

²⁷⁴ Ke a holofela gore lena bohole batho ba baswa . . . Ke bolela se, e sega ka gobane o mo. Le tseba seo, le bohole ba ba mo tsebago. Ke a holofela gore lesogana le lengwe le lengwe ka moagong wo, ge a nyala mosadimogatša wa gagwe, gore o bose go yena, gomme le thabile mmogo, bjalo ka ge mosadimogatša wa ka le nna re bile mengwaga ye. Ge go na le thorišo ye itšego go ka fiwa go lapa la Branham, a e ye go yena. Ke kgosigadi. Ka kgonthe ke yena. Selo se tee, ke mme wa kgonthe. Gomme ka gona lebelelang se a swanetšego go se kgotlelela, le a bona, gomme ka gona, gabotse, o tla—o tla makala gore seo ke eng. Gobaneng, batho mo lebating, mosegare le bošego. Gomme o ema gare ga ka le setšaba, le a bona, fao ke moo, kua gae. Kafao woo ka kgonthe ke mošomo wo mothata.

²⁷⁵ Gomme Billy Paul yo monnyane wa kgale, ke nagana ka yena, nako ye ntši, ke mo kukile mogohle, ge mmagwe a hlokofetše, feela lesea le lennyane. Ngk. Adair o be a fele a re, “O moisa wa go se tlwaelege.” Gomme ke be ke tla ba tlase mokgotheng, ke mo kukile, gomme yena a llela mmagwe, gomme bjona boso bja go tonya, le a tseba, nna ke mo swere godimo ga legetla la ka, ka mokgwa wo.

²⁷⁶ Gomme ga se ka be le tšhelete go lekanelo go boloka la gagwe . . . goba go mo hweletša lebotlelo la kgonthe. Ke be ke na le lebotlelo la Coke ka tlhoko godimo ga lona. Ke be ke le bea ka mo, gomme ke le bolokile ka tlase ga letsogo la ka, ke le dira gore le ruthele. O be a lla kudu, ke be ke obeletša tikologong, ka hloma tlhoko yela ka molomong wa gagwe. Ka mo lesa a a nyanye nakwana ye nnyane, gomme ke bee lebotlelo morago tlase ka fa. Gomme ke bile le maswi gohole godimo ga ka, le se sengwe le se sengwe, le a tseba.

²⁷⁷ Ke be ke mo swere, a eya pele thwi, le a tseba, ke mo tšeа. Nako ya bošego, nna, ka fao ke lekago go mo kobakobetša gore a robale, gomme ke hwetše yo mongwe a tle go mo hlokomela ge ke eya go rapelela balwetši. Re tšwa kgole mmogo. Ke a holofela O re boloka ka tsela yeo.

²⁷⁸ Ke a mmona maabane, a swere mošemane wa gagwe yo monnyane. Gomme ke naganne, “Billy, yoo e be e le wena, feela nakwana ye nnyane ya go feta.” Gabotse, yeo ke tsela ye re swanetšego go dira, go tšwela ka ntle ga tsela, le go fa ba bangwe sebaka. A go šegofatšwe Leina la Morena.

²⁷⁹ “Ge tau e rora, le a bona, ke mang a ka se boifego?” “Gomme poifo ya Modimo ke mathomo a bohlale.” A ke nnete? Seo ke se monna yo bohlale a se boletšego. “Poifo ya Modimo.”

²⁸⁰ Bjale, ke nyaka lena batho ka go mothalo wola wa thapelo, le emego fale, lena bohle bao le tsebago gore ga ke tsebe selo ka lena, phagamišang diatla tša lena. Yo mongwe le yo mongwe. Morena wa go loka wa Legodimo ke Moahlodi wa ka; bokgole bjo ke tsebago ka bophelong bja ka, ga se ka ke ka bona yo motee wa bona ka bophelong bja ka. Go molaleng ba mpone, go tšwa go go dula ntle ka batheeletšing.

²⁸¹ Bjale, ke ba bakae ntle fale ka go batheeletši, bao ba tsebago gore ga ke tsebe selo se tee ka ga lena? Eupša, go le bjalo, o a babja, gomme o dumela gore, Modimo, o ka kguna go kgwatha morumo wa kobo ya Gagwe, gomme Modimo o tla bolela le nna go le bitša, boka A dirile mosadi, boka mosadi wa setlogo? Oo, nna! Ga go makatše ke rerile botelele kudu. Batheeletši boka bao, ka mohuta wola wa tumelo, ba swanetše go e dira.

²⁸² Yo mohumagadi? Bjale, mohumagadi šo. Re kopana bošegong bjo bjalo ka basetsebane, gomme bjale o eme fa. Nnete, mohlomongwe o a babja, goba a ka no ba le bothata bjo bongwe.

²⁸³ Le a bona, Modimo o dira dilo tše dingwe ntle le go fodiša balwetši, le a tseba. Gomme kafao... Gomme O tshepišitše go kgotsofatsa dinyakwa tša rena tšohle, ditlhoko tša rena, nako ye nngwe e sego dinyakwa tša rena, eupša ditlhoko tša rena. Bjale ke nyaka le no nagana, e tee bjale, ge le eya gae, goba ge le se la ke la e bala pele, balang Mokgethw Johane 4, gomme—gomme le bone bjale. Bjale, fa, bjale, ga ke elelwé...

²⁸⁴ A ke bolele se. Ke a dumela, bodiredi bjo, e ba gore O ya go ntšeela gae goba go bo hlatloša. Go—go thwi tlase go nako ye ya bofelo. Goba, e ka ba go nthomela mošwamawatle goba felotsoko moo ba sa nkago ba E kwa. Le a bona? Go na le se sengwe se lokelago go direga. Le no elelwé.

²⁸⁵ Gomme, theeletšang, ga se nna morekiši. Eupša ke na le ngwanešu wa go loka mo yo a tšeago ditheipi tše, gomme yoo ke Mna. Maguire. Ke a dumela ke James Maguire. Gomme ratswale wa gagwe—wa gagwe, Ngwanešu Sothmann morago kua, ba na le ditheipi tše. Ke tla, ge e ka ba mang wa lena a ne segatišamantšu... Ga ke ye go bolela e ka ba eng ka yona bjale, gobane ga ke tsebe selo ka yona. Eupša ge o kile wa reka theipi go tšwa go bona, reka theipi yela, *Bahlomphegi*, *Ke Nako Mang?* E theetšeng, *Bahlomphegi*, *Ke Nako Mang?* E raloke ka thapelo, gomme ka gona o tla thoma go nthapediša. Le a bona? Ge o... Gobane, o tla bona nako yeo ke—ke bothata bofe ke emego ka go bjona thwi fa bošegong bjo. Go bolela ka bothata bja go akanyetšapele, ge feela le ka be le tsebile se ke bego ke eme, thwi bjale, thwi mo! Le a bona? Eupša ke swanetše go ya pele. Mofenyi ga a ke a ineela, gomme moineedi ga a ke a fenya. Yeo ke nnete.

Ke swanetše go diragatša seo ke se rerago. Le a bona? Bjale, ke dumela Modimo. Ke a Mo dumela thwi bjale.

²⁸⁶ Bjale, mo ke godimo ga motheo. Bjale, ge nka be ke—ge nka be ke be ke le Morena wa rena Jesu ke eme mo, gomme mosadi yo a be a babja, le a tseba ke be nka se kgone go mo fodiša ge nkabe ke be ke le Morena Jesu. Ke be nka se kgone go e dira, gobane ke be ke šetše ke e dirile. Bjale, ke ba bakae ba tsebago seo ke therešo? [Phuthego e re, “Amene.”—Mor.] Le a bona? Ka kgonthe.

²⁸⁷ O šetše a lebaletše sebe se sengwe le se sengwe. O šetše a fodišitše motho yo mongwe le yo mongwe a babjago. O šetše a lokišitše Madi ale kua Khalibari. Tefo e šetše e lefetšwe. Yohle e lefetšwe. Eupša selo se nnoši o swanetšego go se dira ke go Le amogela, go Le dumela le go Le amogela. Gomme o ka se kgone go Le amogela go fihla pele o Le dumela. Le a bona? Dumelang Ebangedi.

²⁸⁸ Bjale, eupša go ka reng ge A be a eme fa, a apere sutu ye yeo Morena wa go loka a bilego le yona Ngwanešu le Kgaetšedi Williams go nthekela, e ka ba mengwaga ye mehlano goba ye tshela ya go feta? Gomme go ka reng ge A be a eme mo bakeng sa sutu yela, a apere sutu ye, gomme mosadi yo o be a eme mo?

²⁸⁹ Bjale, ge nkabe A bile le mabadi ka seatleng sa Gagwe, O be a tla re, “Le a bona, Ke nna Mesia. Ke... Le bona mabadi? Lebelelang godimo ga phatla ya Ka.” Bjale, moitiriši e ka ba mang a ka kgona go dira seo. Yeo ke nnete. Nka se Mo tsebe ka seo. Gomme ge A ka be a eme fa ka mokgwa wola, ke be ke tla tseba e be e se Yena. Ke be ke tla tseba e be e se.

²⁹⁰ Gobane, ge A etla, phalafala e tla galagala. Re tla... A ka se tsoge ebile a tla lefaseng. Re tla ubulelwā godimo sebakabakeng, go kopana le Yena. Le a bona? Re Mo swara sebakabakeng. “Rena ba re phelago gomme re šetše re tla tseelwa godimo ga mmogo le bona, go gahlanetše Morena ka sebakabakeng.” Yena ga a tsoge a tla lefaseng. Re kopana le Yena ka moyeng.

²⁹¹ Eupša bjale, O rile, “Ke tla ba le lena, go fihla bofelong bja lefase. Nka se tsoge ka le tlogela le ge e le go le hlokomologa.” A ka kgona bjang go ba? Bophelo bja Gagwe. Gona, ge Bophelo bja Gagwe bo ka ba ka go nna, gomme gona ke tla be ke Mo emetše. Ka gona, ge go ka ba, e tla ba Bophelo bjo bo swanago bjo bo bego bo le ka go Yena, bo tla dira dilo tše di swanago A di dirilego.

²⁹² Bjale, monna šo le mosadi, go swana le Mokgethwā Johane 4. O kopane le mosadi. Ga se a ke a mmona pele. Ga se nke a ke a Mmona. Gomme šebale ba eme, mmogo. Gomme O mmoditše, mosadi mo sedibeng, se bothata bja gagwe e bilego. Gomme ge A dirile seo, o rile, “Mohlomphegi, ke a bona O—O moprofeta.” O rile, “Eupša re a tseba gore Mesia, ge A etla, Yo a bitšwago

Kriste, go ra, ‘Motlotšwa’; ge A etla, O ya go dira dilo tše, go re botša dilo tše.”

Gomme O rile, “Ke nna Yena, yo a bolelago le wena.”

²⁹³ Bjale, ge A swana maabane, lehono, le go ya go ile; feela, mmele wa nama . . . O šomiša mmele wa rena. “Yena ke morara. Rena re makala.” Gona, Moya wola o tla dira gape feela tlwa boka O dirile ge O be o le ka go Yena. A yeo ke nnete? A e tla go dira o dumele? E reng, “Amene,” ge e ka dira. [Phuthego e re, “Amene.”—Mor.]

²⁹⁴ Bjale, mohumagadi, nna ke sa go tsebe, ga se ka ke ka go bona ka bophelong bja ka, ka mo ke tsebago. Nnete, ka kgonagalo o mpone mo mokgotheng goba ka dikopanong, le go ya pele. Eupša ye ke nako ya rena ya mathomo ya kopano.

²⁹⁵ Bjale, ge—ge e le phodišo o e hlokago, gabotse, ke, ge nka kgonago e dira, ke tla dira, gomme ge nkabe ke bile le tsela e ka ba efe. Gomme ge e le tša ditšelete, ge nka—nka kgonago e thuša, ke tla e dira. Gomme ge o ka re, e ka no ba yo mongwe gape, o tla re, “Ke tla mo, Ngwanešu Branham, go wena go rapelela morwa wa—wa ka, goba morwedi wa ka, goba kgaetšedi wa ka, goba papa,” goba yo mongwe. Ke tla dira seo, o a bona, e ka ba eng nka kgonago.

²⁹⁶ Gomme—gomme ge o bile le bothata bja selapa, ke tla re, “Ke tla rata go kopana le wena le monnamogatša wa gago, mmogo, le go bolela le lena felotsoko ntłe le fa, le a bona, gore ke kgone go bolela le lena bobedi le go bona feela tlwa moo phošo e letšego.” Ka gona, ge Moya wo Mokgethwā o utolla, wa re, “Ema motsotsso. O dirile se thwi mo ka nako ye e itšego ye.” Seo se a e ruma. O ka se kgone go ganetša seo. O a bona? Wa re, “O dirile se godimo fa.” Gona, gona e rarologile, le a bona. Bjale, o thoma go tloga thwi fao. O a bona? Ka tsela yeo, e dirilwe.

²⁹⁷ Bjale, o a tseba ke bolela le wena bakeng sa morero tsoko. Ke be ke rera. Le a bona? Gomme gona ke—ke no ba nnamong ka go—ka go tlotšo bakeng sa se sengwe gape, le a bona, go bona ge eba Moya wo Mokgethwā o tla tla le go šoma godimo ga ka ka mpho ye Kgethwā; ke gore, matswalo a mabedi a robetše thwi mmogo, ao a mphago mogau wa Modimo go bona dipono, le go bona se se diregago, se se tla diregago, se se bilego.

²⁹⁸ Le a tseba ge eba ke therešo goba aowa. O eme fa pele ga bonnyane batho ba makgolo tlhano, o a bona, goba kgauswi le yona, makgolotharo, go le bjalo. O a bona? Gomme—gomme o a tseba gore e—e . . . O a tseba ge eba ke therešo goba aowa. Gomme—gomme ge e le therešo, gona ke Modimo. Beibele e rile, “Ge go na le yo motee magareng ga lena, a lego wa semoya goba moprofeta, gomme se a se bolelago se tla go phethega, gona mo kweng.” Le a bona? Bjale, “Ge e sa dire, gona le se mo kwe.”

²⁹⁹ Bjale, ga ke na le kgopoloy a gore mohumagadi o fao bakeng sa eng. Eupša bjale a nke Moya wo Mokgethwā o tle, gomme o

bone ge A sa e bolele. Le a bona? Gomme ge seo e ka se be selo sa go swana Morena wa rena a se dirilego! Seo e tla ba sohle A ka kgonago go se dira ge A eme thwi mo, gobane, elelwang, ke Yena. Ke Ÿena. Ga se nna. Ga ke mo tsebe. Ke a ipolela, ga ke mo tsebe. Kafao, go tla tsea Yena.

Bjale, nnete, mohumagadi o ne maikutlo a go makatša go moya wa gagwe.

³⁰⁰ E sego ka gobane o išitše seatla sa gagwe godimo. Lena bohle le bile dikopanong, gomme le ba bone ba beile seatla sa bona godimo, ba dira ka mokgwa *woo*, gomme Moya wo Mokgethwa o bitša thwi morago le go ba botša se ba bego ba le sona. Le a bona? Yeo ke nnete. Seo ga se re e ka ba eng. Ba kwe ba goelela le go goelela; thwi nako yeo, o ba botša thwi nako yeo, “O phela le mosadimogatša wa monna *yo*,” o e bone thwi godimo *fa*, le se sengwe le se sengwe gape. Gabotse, le a tseba. Le bile ka dikopanong le go bona ka fao dilo tseo, le go bona ka fao tšona dilo. Seo ga se re selo.

³⁰¹ Eupša mohumagadi o bonala a le maikutlo a go makatša go moya wa gagwe. Bjale, mohumagadi o tlaišega ka se sengwe sa phošo. Ke a mo šetša, ka tsela ye a jago. Yena o pele ga ka bjale, mo tafoleng, le mohuta wa go ja goba se sengwe, mohuta wa sejo sa go tlabu. Yeo ke nnete. A ke therešo? [Kgaetšedi o re, “Yeo ke nnete.”—Mor.] Gona phagamišetša seatla sa gago godimo gore batho ba se bone. Le a bona? Ke bone mohumagadi pele ga ka, a dira se sengwe. E ka ba eng e bilego, e godimo ga theipi. Le a bona? Go lokile. Bjale, feela gore le tsebe gobaneng... Ke motho yo mobose.

³⁰² Šetšang feela nakwana. Bjale Moyao a tlotša. Bjale, yo mongwe le yo mongwe o dutše tlhomphokgolo ka kgonthe. Tšwelangpele le rapela. Ebang thapelang, gobane ke Se bone e sepelela thwi godimo ga batheeletši feela nako yeo. Le a bona? Bjale ebang tlhomphokgolo ka kgonthe.

³⁰³ A re boneng mohumagadi gape, go no bolela le yena. E ka ba eng A go boditšego... Ya. Yona še. E mo tafoleng. Ke—ke bothata bja mogodu. Le mohuta tsoko wa go swana le tshwaetšo goba se sengwe ka mogodung. Ngaka o be a lebeletše se. Gomme, a re, o bile le bothata bjo nako ye telele. Gomme, gatee, go ile gwa bolelwa, “Alesa, yeo e tsogago.” Gomme bjale o boletše se sengwe. E be e le eng? “Lela. Lela. Lela,” ke mo kwele a bolela seo. O a bona? Yeo ke nnete. Yeo ke nnete tlwa. Leina la gago ke Mohumagatšana McCraw. Yeo ke nnete. Eya pele bjale, dumela ka pelo ya gago yohle.

O a dumela?

³⁰⁴ Ka morago ga go lla ka mokgwa woo, go dula morago kua, mohlomphegi, maswafo ale a go phuhlama ao o bilego le ona a swanetše go ikwela bokaonana kudu gabjale, ge o dumela. Go lokile bjale. Go lokile, seo se e dirile. Amene.

O kgwathile eng?

³⁰⁵ Monna, e ka ba ba babedi ka morago ga gagwe fale, ka go thatafala ga ditšikakgolo, ge o dumela le wena, mohlomphegi!

³⁰⁶ O kgwathile eng? A ga o kgone go bona Seetša sela se lekeletše thwi fale? Lebelela Mollo wola *fale*. Ga ke tsebe monna, ga se ka ke ka mmona ka bophelong bja ka. E no dumela Morena Jesu.

³⁰⁷ Bjale, felotsoko, go na le lesea le lennyane mo, segotlane se na le molala wa go kgopama. Šele lona. Ga ke mo tsebe. Dumela, kgaetšedi. Molala wa lesea leo o tla otlolloga, ge o ka e dumela.

O kgwathile eng? Haleluya.

³⁰⁸ Go na le selo se sengwe gape ka molala. Ke se bone. Ke mosadi. Nka se kgone go mmea. Ya. O dutše mo, o a lla. Mdi. Riley, dumela go Morena Jesu Kriste, molala wa gago o tla ba gabotse. Dumela.

³⁰⁹ Ga ke tsebe mosadi. Ga se nke ka ke ka mmona bophelong bja ka. Selo se nnoši o swanetšeego go se dira ke go dumela Jesu Kriste. A o dumela seo? Eba le tumelo.

³¹⁰ Ga ke go tsebe, mohlomphegi. Re basetsebane yo motee go yo mongwe, bokgole bjo ke tsebago. O a dumela Jesu Kriste a ka mpotša se bothata bja gago e lego? O tseba ge eba e tla ba nnete goba aowa, a ga o? Ge o ka kgona go dumela ka pelo ya gago yohle bjale! Tšwelapele o eya go batheeletši. O dumela mosadi wa gago ntle kua o ya go ba gabotse, le yena? [Ngwanešu o re, “Ee,”—Mor.] Bothata bja leihlo, o tlaišega ka bothata bja leihlo. E dumela? Ga o tšwe mo. Aowa. O tšwa mo go lego meetse a mantši, tsela ye nngwe. Ke toropokgolo ya lebopong. Ke California, Los Angeles. Gomela morago, Mna. Bowman, gomme o welwe ke maruru. Gomme Jesu Kriste o tla go dira o welwe ke maruru.

³¹¹ Le a dumela? Bjale, lena, yo mongwe le yo mongwe a ka fodišwa thwi bjale ge le ka e dumela. Le dumela seo?

³¹² Go reng ka wena ka mothalong wa thapelo, o a e dumela, le wena? O no ba le tumelo, gomme o se belaele. Dumela ka pelo ya gago yohle, motsotsotso.

³¹³ Mohumagadi yo, lebaka ke emego le yena, o ka seemong sa go hlobaetša. Mosadi yo o tla hwa gonabjale ge se sengwe se sa mo diregele, gobane o dirilwe moriti. Le bona moriti wola wo moso godimo ga gagwe?

³¹⁴ O re, o a tseba, re na le moriti wa lehu lela godimo ga batho, o tšerwe ke khamera ya seswantšho, feela boka Morongwa wa Morena? Re na le yona e lekeletše ka kerekeng ya rena; se segolo bogolo, sa go lebelelega boso selo, bjalo ka sesasedi, se lekeletše bokagodimo ga mosadi. Ba mmoditše go se tšee seswantšho. Gomme Moya wo Mokgethwa o rile, “Se tšee gonabjale.” Gomme ba nepile seswantšho, gomme o be o le fao. Le a bona? Mahlakore a mabedi, fa. Olekeletše thwi fale.

³¹⁵ Lena batho go tšwa tabarenekeleng, ba bangwe ba lena le lego, bao le lego fa, Ngwanešu Fred le bona, sese selo sela sa go swana se lekeletše thwi godimo ga mosadi yo.

³¹⁶ O na le kankere, yeo ke nnete, sebudula. Yeo ke nnete. A yeo ke nnete? Phagamiša seatla sa gago ge yeo e le therešo. Le a bona? Bjale leswiswi le ile, ntle le go bolela e ka ba eng. Le a bona, feela tumelo ya gagwe, yeo e e dirilego. Sepela, o dumela. Amene. Amene. Se e belaele. Nno sepela gomme o dumele ka pelo ya gago yohle.

³¹⁷ Bothata bja pelo bo bolaya bontši bja batho, eupša bo ka se go bolaye ge o ka dumela. Amene. E no ya, o re, "Leboga Morena." Eya gomme o be gabotse. Go lokile.

³¹⁸ Diabolo o tla rata go go dira o be le atheraithisi ye bophelo bja gago bjhohle. Eupša ge o dumela ka pelo ya gago yohle, Jesu Kriste o tla go dira o welwe ke maruru. O a e dumela? Thoma ka tsela ya gago, o leboga Modimo.

³¹⁹ O dumela ka pelo ya gago yohle? O ka kgona go ya go ja selalelo sa gago, gomme bothata bjoo bja mogodu bo tla go tlogela. E no ya gomme o re, "Tumišang Morena!" Sepela, Mo dumele ka pelo ya gago yohle.

³²⁰ O bile le, le wena, bothata bja mogodu. Dumela ka pelo ya gago yohle, gomme o sepele, gomme Jesu Kriste o tla go dira o welwe ke maruru. Go lokile.

³²¹ O boifa eng? O tshwenywa ke letšhogo. Go no nyaka go go tliša fase, gabotse ka go go phuhlama, Sathane a go fora. Eupša go fedile bjale. O a ntumela? Sepela, gomme o re, "Tumišang Morena!"

³²² Morena Jesu, ke a rapela gore O tla fodiša kgaetšedi wa rena le go mo dira a welwe ke maruru, ka Leina la Jesu. Amene.

³²³ Etla, o dumela, kgaetšedi. Ka Leina la Jesu Kriste, ke bea diatla tša ka go yena bakeng sa phodišo ya gagwe.

³²⁴ Etla, ngwanešu. Ka Leina la Jesu Kriste, ke bea diatla tša ka go ngwanešu bakeng sa phodišo ya gagwe. Amene.

³²⁵ Ke ba bakae ba nago le pelo ya go dumela, ka tlase ga seatla seo se tla go tsoga? Bjale bea seatla sela godimo ga yo mongwe kgauswi le wena. O re, "A Amose a ka be a boletše seo?" Ka kgonthe a ka be a dira. Leo ke Lentšu la Morena. Wena phagamiša seatla sa gago, o a dumela.

³²⁶ Jesu o rile, "Maswao a a tla latela bona ba ba dumelago. Ge ba bea diatla tša bona go balwetši . . ." Ebile ga se ya re ba tla ba rapelela. O rile, "Ge ba bea diatla tša bona godimo ga balwetši, feela seatla se latšwa godimo ga bona, ba tla welwa ke maruru."

A re rapeleng.

³²⁷ Morena Jesu, Kgoši o rorile ka Segalontšu sa Gagwe, "Maswao a a tla latela bona bao ba dumelago. Ge ba bea diatla

tša bona godimo ga balwetši, ba tla welwa ke maruru.” Morena Modimo, a nke letimone le lengwe le le lengwe le goelele. A nke bolwetši bjo bongwe le bjo bongwe bo tloge. A nke diabolo a fenywe, gomme bana ba Modimo ba tšwele ka ntle ga moago wo bošegong bjo ka go phenyo le maatla a tsogo ya Jesu Kriste.

³²⁸ E dumele. Yeo ke nnete. E no dula thwi le yona. E re, e no bea, bea seatla sa gago godimo ga yo mongwe, o re “Morena, ba fodiše.” Ke nyaka le rapele. Ke rapetše. Ke nyaka le rapelele yo mongwe. Wena o—wena o . . . Wena o Mokriste go swana le ge ke le. Rena bohole re Bakriste. Bjale rapelela yo mongwe. Ba a go rapelela.

³²⁹ Bjale, o ka nyaka yo mongwe bjang go go rapelela? O ba rapelela boka o nyaka yo mongwe go go rapelela. “Dira go ba bangwe, o tla ba le ba bangwe go dira go wena.” Rapelela thwi, hlokokofala, feela boka o nyaka ba go rapelele.

³³⁰ “Gomme thapelo ya tumelo e tla phološa molwetši. Modimo o tla ba tsoša. Gomme ge eba ba bile le gosedumele go rilego, go tla tlošwa go tloga go bona.” Gobaneng? “Kgoši e a rora. Ke mang eupša a ka go profeta? Ke mang eupša a ka go paka ge Kgoši e rora?” Lentšu la Gagwe le re, “O a swana maabane, lehono, le go ya go ile.”

Ngwanešu Fuller, etla. Modimo a go šegofatše.



TSELÀ YA MOPROFETA WA THEREŠO NST63-0119
(The Way Of A True Prophet)

Molaetša wo ka Ngwanešu William Marrion Branham, setlogong o abilwe ka Seisimane ka Mokibelo mantšiboa, Janaware 19, 1963, ka Faith Temple ka Phoenix, Arizona, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlatlatšwa ke Voice Of God Recordings.

NORTH SOTHO

©2022 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriſte. Puku ye e ka se kgone go rekišwa, go tſweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditſhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org